

四庫全書

集部

欽定四庫全書

御選古文淵鑒卷五目錄

周

國語

穆王將征犬戎

厲王虐國人謗王

厲王說榮夷公

宣王即位不藉千畝

宣王既喪南國之師

晉文公既定襄王于邲

定王使單襄公聘於宋

穀洛鬪

周景王將鑄大錢

海鳥曰爰居

宣公夏濫於泗淵

公父文伯退朝

仲尼在陳

齊閭丘來盟

桓公自莒反於齊

正月之朝鄉長復事



欽定四庫全書

御選古文淵鑒卷五

內閣學士兼禮部侍郎教習庶吉士臣徐乾學等奉

旨編注

周

國語

班固藝文志春秋家有國語二十一篇注左丘明著左丘明受經於仲尼作春秋傳復采

錄前世穆王以來邦國成敗嘉言善語以為國語其文不主於經故號曰春秋外傳左傳為內

國語為外二書相副凡事詳于內者畧於外傳於外者簡於內

穆王將征犬戎 周語

穆王將征犬戎

穆王周康王之孫昭王之子穆王滿也征正也上討下之稱犬戎西戎之別名

在荒服

祭公謀父諫曰不可

祭畿內之國周公之後為王卿士謀父字也○祭莊界切

父音甫

先王耀德不觀兵夫兵戢而時動動則威觀則玩

玩則無震是故周文公之頌曰

文公周公旦之諡也頌周頌時邁篇

載戢

干戈載櫜弓矢我求懿德肆于時夏

夏戶雅切

允王保之先

王之於民也茂正其德而厚其性阜其財求而利其罷

用明利害之鄉以文修之使務利而避害懷德而畏威

布令修德不勤兵於遠自是先王撫馭荒服之要道穆王以不事征之棄祖訓矣故先儒謂國語列周國風列王於此見周德之衰

水心葉適曰祭公謀父陳征犬戎自春秋以來讀之便為迂緩然穆王時上接成康兵偃刑措久矣一旦征行倉猝暴師于遠是始禍也其語如此正合事宜爾古今違濶學者不推其世觀

故能保世以滋大昔我先世后稷以服事虞夏及夏之

衰也棄稷弗務

哀謂啓子太康也廢稷之官不復務農

我先王不窋用失

其官

失稷官也不窋棄之子

而自竄於戎翟之間不敢怠業時序

其德纂修其緒修其訓典朝夕恪勤守以敦篤奉以忠

信奕世載德不忝前人至於武王昭前之光明而加之

以慈和事神保民莫不欣喜商王帝辛大惡於民庶民

弗忍欣戴武王以致戎於商牧是先王非務武也勤恤

民隱而除其害也夫先王之制邦內甸服

千里之內曰甸甸王田也



之難乎得其要  
矣修字尤宜細  
看

臣熙曰禮德不  
觀兵即所謂誕  
敷文德也國語  
首此篇竄有闕  
像

臣廷敬曰叙五  
服典雅深厚版

服服其邦外侯服邦畿之外方五百里之地謂之侯服

見侯衛賓服侯侯圻也衛衛圻也言自侯圻至衛圻其

服常以服貢賓見于王五圻者侯圻甸圻男采衛是也蠻夷要服蠻蠻

圻也夷夷圻也九州之界也戎翟荒服戎翟去王城四

千里荒裔之甸服者祭祭供日侯服者祀祀供月賓服者享

享供時要服者貢貢供歲荒服者王王王事天子也日祭月祀時享

歲貢終王終朝嗣王及先王之訓也有不祭則修意修意

以自責有不祀則修言言號有不享則修文文典有不貢

國之數朝貢之  
節畧盡之矣古  
人立言必詳於  
故實如此

則修名

名謂尊卑職貢之名號

有不王則修德序成而有不至則

修刑

序或謂上五者次序也

於是乎有刑不祭伐不祀征不享讓

不貢告不王於是乎有刑罰之辟有攻伐之兵有征討

之備有威讓之令有文告之辭布令陳辭而又不至則

又增修於德無勤民於遠是以近無不聽遠無不服今

自大畢伯仕之終也

大畢伯仕犬戎氏之二君

犬戎氏以其職來王

天子曰子必以不享征之且觀之兵其無乃廢先王之

訓而王幾頓乎

幾危也頓敗也

吾聞夫犬戎樹惇

樹立也言犬戎立性惇樸

能帥其德而守終純固其有以禦我矣王不聽遂征之得四白狼四白鹿以歸自是荒服者不至

厲王虐國人謗王

厲王虐國人謗王

厲王共王之曾孫夷王之子厲王胡也

召公告王曰民

不堪命矣

召公召康公之後穆公虎也

王怒得衛巫使監謗者

衛巫國

古稱愚者之言聖人擇焉雖通言謗說亦得以登於報鐸而達之於上者蓋古人容納之廣忠厚之至也

之巫也以巫有神靈有謗必知之

以告則殺之國人莫敢言道路以目

不敢發言以目相盼

王喜告召公曰吾能弭謗矣乃不敢言召公

曰是障之也防民之口甚於防川川壅而潰傷人必多

少春穆文熙曰厲王怒謗國非

使正監謗尤非以生殺之權而寄之於鬼物之口則將何所不至哉

臣德宜曰書云小人怨汝詈汝則皇自敬德厲王以監謗為得計使痛疾不在厥口而在厥心則莫可解矣

民亦如之是故為川決之使導為民者宣之使言故天

子聽政使公卿至於列士獻詩獻詩以風也瞽獻典無目

曰瞽瞽樂師史外史獻書史也師箴師小師也箴箴刺也瞽賦無目

瞽賦賦公卿列瞽賦賦公卿列瞽誦誦有眸子而無見曰百工諫百工

執藝事以諫者庶人傳語庶人卑賤見時得失近臣盡

規近臣謂驂僕之屬也親戚補察補察政也有

弟以補察其過瞽史教誨瞽樂大師史大史也掌陰陽者父修

之者父師傳也修理而後王斟酌焉是以事行而不

臣此學曰使巫  
監誘與建昭設  
輝相反治亂判  
然子產東鈞鄭  
國猶如不毀鄉  
校能納衆流乃  
成河海故聽言  
為亟也

惇民之有口也猶土之有山川也財用於是乎出猶其

有原隰衍沃也衣食於是乎生

廣平曰原下濕曰隰下平曰衍有溉曰沃○隰

詳立切沃一口之宣言也善敗於是乎興行善而備敗

所以阜財用衣食者也夫民慮之於心而宣之於口成

而行之胡可壅也若壅其口其與能幾何

與解也能幾何言不久也

王弗聽於是國人莫敢出言三年乃流王於彘

彘晉地漢為彘

縣屬河東

厲王說榮夷公

王者不言有無况  
專之乎榮公用而  
周賁可為千古嗜  
利之戒

水心葉適曰榮  
夷公專利在當  
時大為異事故  
曰王人者導利  
而布之上下由  
後言之為材臣

厲王說榮夷公

榮國名夷諡也

為良夫曰

為良夫周大夫為伯也○為如銳切王

室其將卑乎夫榮公好專利而不知大難夫利百物之  
所生也天地之所載也而或專之其害多矣天地百物  
皆將取焉胡可專也所怒甚多而不備大難以是教王  
王能久乎夫王人者將導利而布之上下者也使神人  
百物無不得其極猶日怵惕懼怨之來也故頌曰思文  
后稷克配彼天立我烝民莫匪爾極頌周頌思文篇大雅曰陳  
錫載周大雅文王篇是不布利而懼難乎故能載周以至於

今今王學專利其可乎匹夫專利猶謂之盜王而行之  
其歸鮮矣榮公若用周必敗既榮公為卿士既已諸侯  
不享王流於彘

宣王即位不藉千畝

宣王即位不藉千畝

宣王厲王子名靖藉借也借民力以為之○藉慈夜切

號文

公諫曰

文公文王母弟號仲之後○號古伯切

不可夫民之大事在農上

帝之染盛於是乎出

麗實曰染在器曰盛○染音容盛音成

民之蕃庶於

是乎生事之供給於是乎在和協輯睦於是乎興財用

周禮因井田而制軍賦故務農講武相為表裏篇中征則有威守則有財二語正見兵農之合

蕃殖於是乎始敦龐純固於是乎成敦厚也○龐大也是

故稷為大官稷之職為大官古者太史順時觀土觀視也○陽

瘳憤盈土氣震發瘳厚也憤積也農祥晨正農祥房星也晨正謂

立春之日晨中于午也農事之候故曰農祥日月底於天廟底至也天廟營

室日月皆在營室○風音音土乃脈發脈理也農書曰春土昌先時九

日先立大史告稷曰自今至於初吉初吉二月朔日也陽氣

俱烝土膏其動烝升也膏土潤也弗震弗渝脈其滿膏穀乃不

殖震動也渝變也皆災也稷以告王曰史帥陽官以命



臣正治曰民之大事在農真經術要語稱引指田有源有委先王遺制猶可考見一斑左氏誠淵才也

臣鴻緒曰周家以農事開基故

我司事

史大史陽官春官司事主農事官也

曰距今九日土其俱動

距去也

王其祇被監農不易

祇敬也祇齊戒祇除也不易物土之宜○被音拂

王乃

使司徒咸戒公卿百吏庶民

百吏百官也庶民甸師氏所掌之民主耕耨王之籍

田者司空除壇於藉命農大夫咸戒農用

農大夫田畯也農用田器也

先

時五日瞽告有協風至

瞽樂大師知風聲者協和也

王既齊宮百官

御事各即其齊三日

御治也

王乃淳濯饗醴

淳洗也濯洗也

及期

鬱人薦鬯

鬱鬱金香草宜以和鬯酒也周禮鬱人掌裸鬯

犧人薦醴

犧人司尊也掌共酒

醴者王裸鬯饗醴乃行百吏庶民畢從及藉后稷監之膳

自天子公卿百吏庶民無不以力田為首務其歌詠誥誡往往見於詩書至宣王時農政漸弛未免視為緩圖此說公所為諄切以陳也

夫農正陳藉禮大史贊王王敬從之王耕一墾

一墾一墾一墾

也王無耦以一耜耕

班三之

班次也三之下各三其上

○墾音鉢又音發

班三之

也王一墾公三卿九大夫

二十七庶人終於千畝終盡耕也其后稷省功大史監之司徒

省民大師監之畢宰夫陳饗膳宰監之膳夫贊王王歆

大字歆饗也班嘗之庶人終食是日也

贊帥音官以省風

廩於藉東南鍾而藏之名神倉東

土音官樂官也風土

廩於藉東南鍾而藏之廩音廩一

南生長之處鍾聚也四時布之於農稷則徧戒百姓紀農協功曰

陰陽分布震雷出滯土不備墾辟在司寇乃命其旅曰

臣英曰仰觀展  
正術察土脈替  
告協風王乃祇  
被尊卑上下莫  
敢不震動恪共  
於農古人之敬  
民事如此

徇

旅衆也  
徇行也

農師一之農正再之后稷三之司空四之司

徒五之大保六之大師七之大史八之宗伯九之王則

大徇

大徇帥公卿大夫  
親行農也

耨穫亦如之民用莫不震動恪共

於農修其疆畔日服其耨不解於時

耨音博  
耨屬

財用不乏

民用和同是時也王事唯農是務無有求利於其官以

干農功三時務農而一時講武故征則有威守則有財

若是乃能媚於神而和於民矣則享祀時至而布施優

裕也今天子欲修先王之緒而棄其大功墮神之祀而

古者治民之官日  
與民相習故不料  
而知其多少至宣  
王時農務漸弛因  
師敗而遂有料民  
之舉治兵急而治  
農之政愈緩矣

困民之財將何以求福用民王弗聽三十九年戰于千

畝王師敗績於姜氏之戎

姜氏之戎西戎之別種四岳之後也

### 宣王既喪南國之師

宣王既喪南國之師

敗於姜戎氏

乃料民於大原

料數也大原地名

仲山父諫曰

仲山父周之卿士

民不可料也夫古者不料民而

知其少多司民協孤終

司民掌登萬民之數協合也無父曰孤終死也

司商協

名姓

司商掌賜族受姓之官商金聲清謂人始生吹律合之定其姓名

司徒協旅

司徒掌合

師旅司寇協姦牧協職

牧人掌牧養犧牲合其物色之數

工協草

草更也

制度者合場協入場人掌場圃委積廩協出廩人掌九  
其數也

是則少多死生出入往來者皆可知也於是乎又審

之以事事謂因藉田與民王治農於藉藉藉于千畝於

農隙耨穫亦於藉言王亦至於獮於既烝秋田曰獮烝

秋乃狩於畢時冬田曰狩畢是皆習民數者也又何料

焉不謂其少而大料之是示少而惡事也言王不謂其

數之是示以寡少又厭臨政示少諸侯避之治民惡事

無以賦令且無故而料民天之所惡也害於政而妨于

西山真德秀曰  
以上數篇皆周  
宣王以前文章  
不見於書而幸  
見於國語有志  
學者其深味

之

晉文自以功在王  
室侈然自大妄請  
天子之禮襄王舉  
先王之舊章以折  
服之舒婉中倍極  
峻厲遂使晉文愧  
悚退聽皇哉訓誥  
之文

西山真德秀曰  
此篇要領在班  
先王之大物以  
賞私德一語後  
云余敢以私勞  
獎前之大章蓋

後嗣王卒料之及幽王乃廢滅

幽王宣王子  
幽王宮湮也

晉文公既定襄王於邲

晉文公既定襄王於邲

邲洛邑王  
城之地也

王勞之以地

謂陽樊  
溫原攢

茅之辭請隧焉

隧王之墓禮闕  
地通路曰隧

王勿許曰昔我先王之

有天下也規方千里以為甸服以供上帝山川百神之

祀以備百姓兆民之用以待不庭不虞之患其餘以均

分公侯伯子男使各有寧宇以順及天地無逢其災害

先王豈有賴焉內官不過九御

九御  
九嬪

外官不過九品足

獲說此意也晉文之定襄王自以為不世之大功其請隨也寔寔乎寃大物之漸業王目之曰私德曰私勞所以折其驕矜不遜之意玩其辭氣若優游而實峻烈真可為告諭諸侯之法臣正治曰請隨去問鼎一問耳齊侯不敢貪天子之命晉文姬姓而安觀非分此亦正與隨之

以供給神祇而已豈敢厭縱其耳目心腹以亂百度亦

唯是死生之服物采章以臨長百姓而輕重布之王何

異之有言帝王皆然今天降禍災於周室余一人僅亦守府

府先王又不敢以勤叔父而班先王之大物以賞私德之府藏

其叔父實應且憎以非余一人余一人豈敢有愛也先

民有言曰改玉改行玉佩玉言服其服則行其禮以言晉侯嘗在臣位不宜有陵也叔

父若能光裕大德更姓改物以創制天下自顯庸也而

縮取備物以鎮撫百姓縮引也備物隨之屬余一人其流辟于裔

分篇中多用長句取勝視左傳別為一種得天子告諸侯之體班史多祖之臣士奇曰守大物折強藩信乎禮之足以存國而辭命之不可已也

廢教棄制降官犯令皆亡國之政也而犯令尤甚文中序次自有輕重

土何辭之與有若由是姬姓也尚將列為公侯以復先王之職大物其未可改也叔父其茂昭明德物將自至余敢以私勞變前之大章以忝天下其若先王與百姓何何政令之為也若不然叔父有地而隧焉余安能知之文公遂不敢請受地而還

定王使單襄公聘於宋

定王使單襄公聘於宋

定王頃王子匡王弟名瑜單襄公王卿士單朝也

遂假

道於陳以聘於楚火朝覲矣道弗不可行也

火心星也覲見也單



機塞路為弗朝見謂夏正十月晨見于晨○弗音拂候不在疆候候人也掌送迎賓客者疆境也

司空不視塗司空卿官掌道路也澤不陂陂障也古不賓澤故障之川不梁野

有庾積庾露積穀也場功未畢道無列樹古者列樹以表道且為城守之用

墾田若藝發田曰墾藝猶時也言其稀少膳宰不致餼膳宰膳夫也掌賓客之牢禮生

司里不授館司里里宰也掌投客館國無寄寓無寄寓者不為廬舍縣無

施舍四句為縣施舍者所以施舍賓客負仕之處民將築臺於夏氏夏氏陳大夫夏

徵舒及陳陳靈公與孔寧儀行父南冠以如夏氏留賓

弗見陳靈公舜後共公之子靈公平國也孔寧儀行父陳之二卿南冠楚冠也單子歸告王

曰陳侯不有大咎國必亡王曰何故對曰夫辰角見而

雨畢

辰角大辰蒼龍之角角星名也見者朝見東方建戌之初寒露節也雨畢者穀氣日成雨氣盡也

天根見而水涸

天根氏亢之間也謂寒露雨畢之後五日天根朝見水潦盡竭也

本見

而草木節解

本氏也謂寒露之後十日陽氣盡草木之枝節皆理解也

馬見而隕霜

馬天駟房星也謂建戌之中霜始降

大見而清風戒寒

謂霜降之後清風先至所以戒

人為寒備也

故先王之教曰雨畢而除道水涸而成梁草木

節解而備歲隕霜而冬裘具清風至而修城郭宮室故

夏令曰九月除道十月成梁其時儆曰收而場功侍而

審揭

收而場功使人修囷倉也。特具也。審土龍也。揭昇土之器。○特大儿切。審音本。揭九玉切。營室

之中土功其始

定謂之營室。謂建亥小雪之中。定星昏正於午土功可以始也。

火之初

見期於司里

期會也。致其築作之具。會於司里之官。

此先王之所以不用

財賄而廣施德於天下者也。今陳國火朝覲矣而道路

若塞野場若棄澤不陂障川無舟梁是廢先王之教也。

周制有之曰列樹以表道立鄙食以守路

鄙四鄙千里有廬廬有飲

食國有郊牧

國外曰郊牧放牧之地。

置有寓望

置境也。境界之上。有寄寓之舍。候望

之人○置居

數有圃草

澤無水曰藪。圃大也。必良切。即疆字。有茂大之草以備財用。

圃有林

臣熒曰叙次故實與周禮相表裏足知六典非偽書其言月令

臣乾學曰先王不用財賄而廣施德於天下讀幽風月令條理精密可見三代盛時大概

亦先於呂氏矣

池林積水池積水也所以禦災也其餘無非穀土民無縣邦入土

曰耜耜未野無與草與深也不奪民時不蔑民功有優無價

有逸無罷國有班事班次也執事有次縣有序民縣鄙之民從事有序今

陳國道路不可知田在草間間古間切功成而不收民罷於

逸樂是棄先王之法制者也周之秩官有之秩官周常官篇名

曰敵國賓至關尹以告關尹司關掌四方賓客行理以節逆之理吏

也逆迎也執瑞節為信候人為導卿出郊勞門尹除門

門尹司門也除宗祝執祀宗宗伯祝大祝也執祀賓將有事于廟則宗祝執祭祀之

臣叔元曰因時  
警戒謹歲成  
築功野無蠹土  
百工趨事而治

道俗矣讀此知  
為國不可斯須  
去周禮

禮司里授館司里授客所當館次司徒具徒具徒役修道路之委

積司空視塗視險司寇詰姦詰禁姦盜虞人入材虞人掌山澤之官祭

祀賓客各供其材甸人積薪甸人掌薪蒸之官也火師監燎火師司火燎庭燎也水

師監濯水師掌水監滌濯之事也膳宰致餐熟食廩人獻餼生曰餼禾米也

司馬陳芻司馬掌帥國人養馬故陳芻工人展車展省客車補傷敗也百官官

以物至賓人如歸是故小大莫不懷愛小大謂賓介也其貴國

之賓至則以班加一等益虔至於王使則皆官正蒞事

正長也上卿監之若王巡狩則君親監之今雖朝也不才

臣杜預曰有伏  
有應有關鍵有  
結束文之以法  
勝者

有分族於周

分族王之親族也

承王命以為過賓於陳而司事

莫至是蔑先王之官也先王之令有之曰天道賞善而

罰淫故凡我造國無從非彛無即愾淫各守爾典以承

天休今陳侯不念胤續之常棄其伉儷妃嬪

伉對也儷偶也

而

帥其卿佐以淫於夏氏不亦瀆姓矣乎陳我大姬之後

也

大姬周武王之女雲胡公之妃

棄衮冕而南冠以出不亦簡彛乎

彛常

也言其棄禮簡畧常服也

是又犯先王之令也昔先王之教蔑帥其

德也猶恐隕越若廢其教而棄其制蔑其官而犯其令

將何以守國居大國之間晉楚而無此四者其能久乎

六年單子如楚宣定王六年魯宣之八年八年陳侯殺於夏氏魯宣

之十九年楚子入陳楚子莊王也

穀洛闕

靈王二十二年靈王周簡王之子靈王大心也穀洛闕

將毀王宮穀洛二水名也闕者兩水格有似于闕洛在王城之南穀在王城之北東入于澧至靈王

時穀水成出于王城之西而南流合于洛水毀王城西南將及王宮王欲壅之大子晉諫

曰不可晉靈王大子也晉聞古之長民者不墮山墮毀也不崇數

大意擬在修德行政穀洛自然勃順反復敦陳極為愷

水心禁通曰穀洛闕將毀宮而壅之由後世而言水敗宮闕隳

防急務不待令而趨也而太子晉諫詞深切前鑒其辭後指幽屬但然畏禍亂之在前古今異意不亦甚乎學者從是求之亦足深思而遠猷矣孟子論禹行水但以爲無惡於智猶降此語數等當併考

崇高也

不防川

流曰川

不實澤

澤居水也實決也

夫山土之聚也藪

物之歸也川氣之導也澤水之鍾也夫天地成而聚於

高歸物於下疏爲川谷以導其氣陂唐汚庠以鍾其美

唐俗作塘○庠音卑

是故聚不弛崩而物有所歸

大曰崩小曰弛○弛直氏切

氣不沈滯而亦不散越是以民生有財用而死有所葬

然則無天昏札瘥之憂而無饑寒匱乏之患故上下能

相固以待不虞古之聖王唯此之慎昔共工棄此道也

共工諸侯炎帝之後姜姓也

虞於湛樂

虞安也湛淫也

淫失其身欲壅防百



川墮高堙庠以害天下

理塞也高謂山陵庠謂池澤

皇天弗福庶民

弗助禍亂並興共工用滅其在有虞有宓伯鯀

宓鯀國伯爵也

○宓古崇字

播其淫心稱遂共工之過

稱舉也舉遂共工之過者謂障洪水

堯

用殛之於羽山

羽山在東海祝其縣南

其後伯禹念前之非度釐

改制量象物天地比類百則儀之於民

儀準也

而度之於

羣生共之從孫四岳佐之

共共工也言共工從孫為四岳之官掌帥諸侯助禹治水

高高下下疏川道滯鍾水豐物封崇九山決汨九川

汨通

臣熙曰高高下下四字括得一部水經體勢疏朗自然駿健

也○汨音骨

陂障九澤豐殖九藪汨越九原

越揚也

宅居九隩

隩內也九州之內皆  
可宅居○隩于六切  
合通四海故天無伏陰伏陰夏地有霜電

無散陽

散陽李梅冬實

水無沈氣

沈伏也無伏積之氣

火無灾燁

燁燁起貌○燁

聞神無間行

間淫姦神淫厲之屬

民無行心時無逆數

逆數四時寒暑反逆

物無害生

蝗螟之屬不害嘉穀

帥象禹之功度之于軌儀莫非嘉

績克厭帝心

厭於涉切

皇天嘉之胙以天下

胙祿也

賜姓曰如

氏曰有夏謂其能以嘉祉殷富生物也胙四岳國命為

侯伯賜姓曰姜

姜四岳之先炎帝之姓也

氏曰有呂謂其能為禹股

肱心膂以養物豐民人也此一王四伯豈繫多寵皆亡

臣德宜曰盤庚  
避河患徙民作  
書三篇皆有震  
動恪恭之意靈  
王唯務墮川不  
思修德故商家  
五遷而猶強周  
室一東而不振  
也

王之後王謂禹四伯謂四岳也○繫一分切唯能釐舉嘉義以有庠在下

守祀不替其典有夏雖哀杞鄫猶在杞鄫二國夏後也申呂雖

哀齊許猶在申呂四岳之後商周之世或封於申齊許其族也唯有嘉功以命

姓受祀迄於天下及其失之也必有愾淫之心間之故

亡其氏姓踣弊不振踣僵也○路蒲北切絕後無主堙替隸圉隸圉

也園養馬者夫亡者豈繫無寵皆黃炎之後也蘇黃帝之後共工炎帝之後

後唯不即天地之度不順四時之序不度民神之義不

儀生物之則以殄滅無胥至於今不祀及其得之也必

有忠信之心間之度於天地而順於時動蘇於民神而  
儀於物則故高朗令終顯榮昭明命姓受氏而附之以  
令名若啟先王之遺訓省其典圖刑法而觀其廢興者  
皆可知也其興者必有夏呂之功焉其廢者必有共鯀  
之敗焉今吾執政無乃實有所避也而滑夫二川之  
神滑亂也○  
滑古忽切使至於爭明以妨王宮明精  
氣也王而飾之無  
乃不可乎人有言曰無過亂人之門又曰佐雖者嘗焉  
雖烹煎之官也佐闕者傷焉又曰禍不好不能為禍詩曰四牡

臣鴻緒曰凡水  
導之則行壅之  
則潰太子晉深  
明治水之道

駢駢旛旐有翩亂生不夷靡國不泯

大雅桑柔篇

又曰民之

貪亂寧為荼毒

桑柔之十一章

夫見亂而不惕所殘必多其飾

彌章民有怨亂猶不可遏而況神乎王將防鬪川以飾

宮是飾亂而佐鬪也其無乃章禍且遇傷乎自我先王

厲宣幽平而貪天禍至於今未弭

弭止也

我又章之懼長

及子孫王室其愈卑乎其若之何自后稷以來寧亂及

文武成康而僅克安民自后稷之始基靖民十五王而

文始平之

十五王謂后稷不窋鞠陶公劉慶節皇僕差弗毀喻公非高圉亞圉公祖大王王季文王

臣英曰象天儀  
地和民順時為  
一篇之大旨遠  
徵博引上下十  
古皆以發明斯  
義

也十八王而康克安之

加武王成王康王并上十五

其難也如是厲

始草典十四王矣

十四王為厲宣幽平桓莊僖惠襄頃匡定簡靈

基德十五而

始平基禍十五其不濟乎

至景王十五世

吾朝夕儆懼曰其何

德之修而少光王室以逆天休王又章輔禍亂將何以

堪之王無亦鑒於黎苗之王下及夏商之季

黎九黎苗三苗也少

皞氏哀九黎亂德顓頊滅之高辛氏哀三苗又亂堯誅之

上不象天而下不儀地中

不穌民而方不順時不共神祇而蔑棄五則

則法也謂象天儀地

和民順時共神也

是以人夷其宗廟而火焚其彝器子孫為隸

臣士奇曰天地之氣化帝王之譜系興亡之轍迹皆於是篇中可發覆也古人言事精極理數

下夷於民而亦未觀夫前哲令德之則則此五者而受

天之豐福饗民之勲力子孫豐厚令聞不忘是皆天子

之所知也天所崇之子孫或在畎畝由欲亂民也

一耦之發

廣尺深尺為畎百步為畝畎畝之人或在社稷由欲靖民也無有異

焉詩云殷鑒不遠近在夏后之世

大雅湯之篇

將焉用飾宮

以徵亂也度之天神則非祥也比之地物則非義也類

之民則則非仁也方之時亂則非順也咨之前訓則非

正也觀之詩書與民之憲言皆亡王之為也上下儀之

無所比度王其圖之夫事大不從象小不從文

象天象也文詩

書上非天刑下非地德

刑法也

中非民則方非時動而作

之者必不節矣作又不節害之道也王卒壅之及景王

多寵人亂於是乎始生

景王周靈王之子太子晉之弟也多寵人謂寵子朝及臣賓孟

之屬也

景王崩王室大亂及定王王室遂卑

定王襄王之子靈王祖父

而言及定王王室遂卑定當為貞貞王名介敬王子也

### 周景王將鑄大錢

景王二十一年將鑄大錢

景王周靈王之子景王貴也二十一年魯昭之十八年

景王改鑄大錢原以救災恤患然不



合民情故單穆公  
以為佐定可見王  
道在乎國民

西山真德秀曰  
單穆公諫鑄大  
錢諫鑄無射二  
篇俱是名言

單穆公曰不可

穆公王卿士單靖公之曾孫

古者天災降戾於是乎

量資幣權輕重以振救民

量猶度也資財也

民患輕則為之作

重幣以行之

民患幣輕而物貴則作重幣以行其輕也

於是乎有母權子而

行民皆得焉

重曰母輕曰子以子留物物輕則子獨行物重則以母權而行之

若不堪

重則多作輕而行之亦不廢重於是乎有子權母而行

小大利之

子權母者母不足則以子平而行之故錢小大民皆以為利也

今王廢輕而

作重民失其資能無匱乎若匱王用將有所乏乏則將

厚取于民民不給將有遠志是離民也且夫備有未至

臣執學曰湯旱  
禹潦皆鑄幣以  
拯民之困患輕  
患重權母權子  
因時變非規利  
也無故廢輕作  
重置民財以自  
殖未見其為利  
矣

而設之有至而後救之是不相入也

二者先後各有宜不相入不相為用

也可先而不備謂之急可後而先之謂之召灾周固羸

國也天未厭禍焉而又離民以佐灾無乃不可乎

言周固已

為羸病之國天降禍災未厭已也

將民之與處而離之將灾是備禦而

召之則何以經國國無經則何以出令令之不從上之

患也故聖王樹德於民以除之夏書有之曰闕石醵均

王府則有

夏書五子之歌闕門闕之征也石今之斛也言征賦調均則王之府藏常有也一曰闕衡

也詩亦有之曰瞻彼旱麓榛楛濟濟愷悌君子千禄愷

悌

詩大雅旱麓之篇

夫旱麓之榛楛殖故君子得以易樂干祿

焉若夫山林匱竭林麓散亡數澤肆既

肆極也既盡也

民力彫

盡田疇荒蕪資用乏匱君子將險哀之不暇而何易樂

之有焉且絕民用以實王府猶塞川原而為潢污也其

竭也無白矣

大曰潢小曰污

若民離而財匱災至而備亡王其

若之何吾周官之於灾備也其所怠棄者多矣而又奪

之資以益其灾是去其歲而翳其人也王其圖之

善政歲于

臣岳頌曰鑄大錢又鑄無射民力幾何其堪此也穆公召災一語可為萬世輕變法者戒

民翳猶屏也

王弗聽卒鑄大錢

無名之祀聖人不錄曲禮曰淫祀無福則妄祀亦何益哉此篇可與禮經相發明

子臧劉鳳曰人孰無過文仲過而能知而能改則亦無害其

# 海鳥曰爰居魯語

海鳥曰爰居止於魯東門之外二日

爰居縣也雜

臧文仲使

國人祭之展禽曰越哉臧孫之為政也

越也

夫祀國之

大節也而節政之所成也故慎制祀以為國典今無故

而加典非政之宜也夫聖王之制祀也法施於民則祀

之

謂五帝殷契周文也

以死勤事則祀之

殷實水死周棄山死是也

以勞定國

則祀之

虞幕夏杼殷上甲微周高圉大王也

能禦大災則祀之

夏禹是也

大患則祀之

殷湯武是也

非是族也不在祀典昔烈山氏之

為知矣

臣冀曰味柳下  
之言古君子無  
不博物文仲知  
過不知之知也

有天下也

烈山氏炎帝之  
號也起於烈山

其子曰柱能殖百穀百蔬

柱為

后稷自夏以上  
祀之草實曰蔬

夏之興也周棄繼之故祀以為稷共工

氏之伯九有也

共工氏伯者在戲  
農之間有域也

其子曰后土能平九

土故祀以為社黃帝能成命百物以明民共財

黃帝少  
典之裔

子帝軒轅  
也命名也

顓頊能修之

顓頊黃帝之孫昌  
意之子帝高陽也

帝嚳能序三

辰以固民

固安也帝嚳黃帝之曾  
孫嚳極之子帝高辛也

堯能單均刑法以儀

民

單盡也  
儀善也

舜勤民事而野死

野死謂征有苗  
死于蒼梧之野

鯀障洪水

而殛死禹能以德修鯀之功契為司徒而民輯冥勤其

臣叔元曰一時  
議論後人採入  
載記便成典則  
春秋列國名卿  
間學問往往有  
此

臣杜納曰臧文  
仲不能博物又

官而水死

冥契後六世孫根園之子也  
夏水官勤于其職而死于水

湯以寬治民

而除其邪稷勤百穀而山死

稷周棄也勤播百穀死于黑水之山

文王以

文昭武王去民之穢故有虞氏禘黃帝而祖顓頊郊堯

而宗舜夏后氏禘黃帝而祖顓頊郊鯀而宗禹商人禘

舜而祖契郊冥而宗湯周人禘嚳而郊稷祖文王而宗

武王幕能帥顓頊者也有虞氏報焉

幕舜之後虞思也為夏諸侯帥循也

報報德之祭也

杼能帥禹者也夏后氏報焉

杼禹後七世少康之子季杼也

甲微能帥契者也商人報焉

上甲微契後八世湯之先也

高圉大王

不能斷之以理  
何可謂智惟能  
以孝子之言為  
法其虛懷服善  
猶為過人

能帥稷者也周人報焉

高圉后稷後十世公非之子也  
大王高圉之曾孫古公亶父也

凡禘郊宗祖報此五者國之典祀也加之以社稷山川  
之神皆有功烈於民者也及前哲令德之人所以為民  
質也及天之三辰民所以瞻仰也及地之五行所以生  
殖也及九州名山川澤所以出財用也非是不在祀典  
今海鳥至已不知而祀之以為國典難以為仁且知矣  
夫仁者講功而知者處物也處名無功而祀之非仁也不  
知而不問非知也今茲海其有災乎夫廣川之鳥獸恒

藏吾不如寘里革  
於側所謂在人不在  
笏也通篇與麗  
謹嚴洵文章極則

知而避其災也是歲也海多大風冬煖爰居之所避文也○煖同煖

仲聞柳下季之言柳下展禽之邑季字也曰信吾過也季子之言

不可不法也使書以為三策策簡書也三策三卿卿一通謂司馬司徒司空也

### 宣公夏濫於泗淵

宣公夏濫於泗淵宣公魯文公子名倭濫漬也漬苦於泗水之淵以取魚也里革斷

其罟而棄之曰古者大寒降土蟄發降下也寒氣初下謂季冬建丑之月

大寒後也土蟄發謂孟春建寅之月蟄始震也水虞於是乎講眾畱取名魚登

川禽而嘗之寢廟行諸國人助宣氣也水虞漁師也掌川澤之禁令講



習也魚網也罾筍也月令冬季始漁乃鳥獸孕水蟲

成此謂獸虞於是乎禁罾羅猶魚鼈以為夏槁獸虞掌

禁令罾免罾羅鳥罾也禁禁不得施也猶也槁也鳥獸成水蟲孕水

側角也助生阜也阜長也鳥獸方孕故鳥獸成水蟲孕水

虞於是乎禁罾羅設罝罝當為罾罾小網也罝陷

此復是為

意然忠言不用

檻是亦藏吾之

檻是亦藏吾之

夏鳥獸以成水蟲懷孕之時禁魚以實廟庖畜功用也

且夫山不槎櫟槎所也以株生曰櫟○澤不伐天草木

曰魚禁鯤鰭鯢魚子也鰭未成魚獸長麋麋鹿子曰麋

臣熙曰句拙而  
工字奇而穩與  
周禮考工記文  
法相似

○麋音倪  
鳥翼切鰈卵切翼成也生哺曰鰈未乳曰蟲舍切蚍

蠃切蚍蠃子也可以為醢蠃復陶也可食切蕃庶物也古之訓

也今魚方別孕不教魚長又行網罟貪無藝也別別於雄而懷

子也藝極也公聞之曰吾過而里革匡我不亦善乎是良罟

也為我得法使有司藏之使吾無忘諗諗告也師存諗式任切

侍師樂師存名也曰藏罟不如寘里革於側之不忘也寘置也寘文

切義

# 公父文伯退朝

敬姜勞則思逸則  
淫數語可謂見道  
之言當與無逸幽  
風諸篇同讀

公父文伯退朝朝其母其母方績文伯曰以歎之家而

主猶績

歎文伯名大夫稱主妻亦如之

懼于季孫之怒也

季孫康子也位尊又為大

宗其以歎為不能事主乎其母嘆曰魯其亡乎使童子

備官而未之間耶居吾語女昔聖王之處民也擇瘠土

而處之

境確為瘠

勞其民而用之故長王天下夫民勞則思

思則善心生逸則淫淫則忘善忘善則惡心生沃土之

民不材淫也

沃肥美也不材罷能少也

瘠土之民莫不嚮義勞也是

故天子大采朝日與三公九卿祖識地德

禮朝日以春分周禮王搢

應德唐順之曰  
其大略而有體

閭閻中乃有此  
識見豈獨家藏  
自君公以下皆  
宜伏讀

臣德宣曰邦家  
治忽由於勤惰  
故讀休其蠶織  
識王業之所以  
衰歇姜之訓其  
子主於服勞戒

大圭執鎮圭藻五采五就以朝日  
則大采謂此也祖習也識知也  
日中考政與百官之

政事師尹惟旅牧相宣序民事

旅衆士也牧州牧也相  
國相也皆百官政事之

所及也師尹公也

少采夕月與大史司載糾虔天刑

夕月以秋  
分糾共也

虔敬也刑法也朝日以五采則夕月其三日  
采也載天文也司天文謂馮相氏保章氏

日八監九御

使潔奉禘郊之粢盛

九御九嬪之官  
主粢盛祭服者

而後即安諸侯朝

修天子之業命書考其國職夕省其典刑夜儆百工使

無怙淫而後即安

工官也  
怙慢也

卿大夫朝考其職書講其庶

政夕序其業夜庀其家事而後即安

庀治也○  
庀匹婢切

士朝而

逆其猶有易車  
卷耳之遺風乎

臣乾學曰古時  
周禮王制雖婦  
孺無不知者敬  
姜為女士師尤  
不同也

受業晝而講貫夕而習復夜而計過無憾而後即安自

庶人以下明而動晦而休無日以怠王后親織玄統統所

以縣瑱當耳者○統丁感切公侯之夫人加之以紵紵既織統又加

冕曰紵紵纓之無紵者也從下而上不結紵冕上之履也○紵音宏紵音延卿之內子為大

帶卿之適妻曰內命婦成祭服命婦大夫之妻也列士

之妻加之以朝服列士元士也既成祭自庶士以下皆

衣其夫庶士下士也社而賦事烝而獻功社春分祭社

屬也冬祭曰烝烝而男女効績愆則有辟古之制也君

獻五穀布帛之功也

聖人博學多識於  
此可見

子勞心小人勞力先王之訓也自上以下誰敢淫心舍  
力今我寡也爾又在下位下位下大夫也朝夕處事猶恐忘先  
人之業況有怠惰其何以避辟吾冀而朝夕修我曰必  
無廢先人爾今曰胡不自安以是承君之官余懼穆伯  
之絕祀也仲尼聞之曰弟子志之季氏之婦不淫矣

### 仲尼在陳

仲尼在陳有隼集於陳侯之庭而死楷矢貫之石砮其

長尺有咫

隼鷙鳥今之鷂也楷木名砮鏃也以石為之  
八寸曰咫○隼荀尹切楷音苦若音奴又音

勢陳惠公使人以隼如仲尼之館問之

惠公陳哀公之孫悼大子之子

也仲尼曰隼之來也遠矣此肅慎氏之矢也

傳曰肅慎燕亳吾北

土也昔武王克商通道於九夷百蠻使各以其方賄來貢

使無忘職業於是肅慎氏貢楛矢石砮其長尺有咫先

王欲昭其令德之致遠也以示後人使永監焉故銘其

楛曰肅慎氏之貢矢

刻曰銘楛箭羽之間也○楛古活切

以分大姬配虞

胡公而封諸陳

大姬武王元女胡公之孫後虞逼父之子胡滿也

古者分同姓以

珍玉展親也

展重也王謂若夏后氏之璜

分異姓以遠方之職貢使

臣延敬曰奇與具有與則見周先王德化之遠展親之仁可以昭異章而訓世守未可忽也若

徒以博洽相實  
寧聖人所貴歟

發揮蘊義甚大非  
足恭之謂

水心葉適曰義  
理有擇而無降  
謂陷而入於恭  
誠非美老子於  
道德仁義各有  
失字

無忘服也故分陳以肅慎氏之貢君若使有司求諸故

府其可得也使求得之金積如之

積也

### 齊閭丘來盟

齊閭丘來盟

閭丘齊大夫閭丘明也來盟在魯哀八年

子服景伯戒宰父曰

陷而入於恭

景伯魯大夫子服惠伯之孫昭伯之子子服何也陷猶失過也如有失過寧近于恭

也閔馬父笑景伯問之對曰笑吾子之大滿也

滿驕也

昔

正考父校商之名頌十二篇於周大師以那為首

正考父宋

大夫孔子之先也名頌頌之美者也商其輯之亂

輯成也凡



臣鴻緒曰恭乃美德非聲音笑貌可以偽為閭馬父之言醇乎儒者也

作篇章義既成撮其大要以為亂辭曲終乃更變章亂節故謂之亂也

曰自古在昔先民

有作溫恭朝夕執事有恪先聖王之傳恭猶不敢專稱

曰自古古曰在昔昔曰先民今吾子之戒吏人曰陷而

入於恭其滿之甚也周恭王能庇昭穆之闕而為恭

庇覆

也恭王周昭王之孫穆王之子也昭王南征而不反穆王欲辟其心皆有闕失言恭王能庇覆之故為恭也

楚恭王能知其過而為恭

恭王楚莊王之子也知其過者有疾召大夫曰若沒請為

靈若屬

今吾子之教官寮曰陷而後恭道將何為

桓公自莒反於齊

齊語

鮑叔薦管仲於桓  
公委寄以齊國之  
重卒能顯名諸侯  
取威定霸孔子亦  
許其功而稱其仁  
則鮑叔之推賢桓  
公之善任皆彰彰  
於後世矣

少春穆文熙曰  
鮑叔薦管仲自  
以為弗及至欲  
解其位以讓之  
何其懇也然管  
仲用而鮑叔之  
賢益彰古人之  
以善相成如此

桓公自莒反於齊

桓公齊太公之後僖公之子襄公之弟小白也襄公立其政無常鮑叔牙

奉小白出奔莒

公孫無知殺襄公而立管夷吾召忽奉

公子糾奔魯齊人殺無知魯莊公伐齊納子糾桓公自

莒先

使鮑叔為宰

鮑叔齊大夫叔牙也宰大宰也

辭曰臣君之庸臣也

君加惠於臣使不凍餒則是君之賜也若必治國家者

則非臣之所能也若必治國家者則管夷吾乎

管夷吾齊卿姬

姓之後管莊仲之子敬仲也

臣之所不若夷吾者五寬惠柔民弗若

也治國家不失其柄弗若也忠信可結於百姓弗若也

制禮義可法於四方弗若也執枹鼓立於軍門使百姓

臣正治曰山高  
牧民之書雖多  
難霸然一匡九  
合其才亦不可  
泯鮑叔薦賢不  
嫌自抑齊之興  
叔牙力也

加勇焉弗若也

門○若今牙

桓公曰夫管夷吾射寡人

中鉤是以濱於死

濱近也管仲臣於子糾乾時之戰親射桓公中鉤

鮑叔對曰

夫為其君動也君若宥而反之夫猶是也桓公曰若何

若何得還也

鮑子對曰請諸魯桓公曰施伯魯君之謀臣也

施伯魯大夫惠公之孫施父之子

夫知吾將用之必不予我矣若之何

鮑子對曰使人請諸魯曰寡君有不令之臣在君之國

欲以戮於羣臣故請之則予我矣桓公使請諸魯如鮑

叔之言莊公以問施伯施伯對曰此非欲戮之也欲用

其政也夫管子天下之才也所在之國則必得志於天下令彼在齊則必長為魯國憂矣莊公曰若何施伯對曰殺而以其屍授之莊公將殺管仲齊使者請曰寡君欲親以為戮若不生得以戮於羣臣猶未得請也請生之於是莊公使束縛以予齊使齊使受而以退比至三轡三浴之以香塗身曰轡桓公親逆之於郊逆迎也而與之坐問焉曰昔吾先君襄公築臺以為高位田狩畢弋畢掩雄兔之網也不聽國政卑聖侮士而惟女是崇九妃六嬪陳

妾數百食必梁肉衣必文繡戎士凍餒戎車待游車之  
裂戎士待陳妾之餘優笑在前賢材在後是以國家不  
日引不月長恐宗廟之不掃除社稷之不血食敢問為  
此若何管子對曰昔吾先王昭王穆王世法文武遠績  
以成名合羣安比校民之有道者

突老也

設象以為民紀

設象設教象之法于象魏也

式權以相應

式權平也

比綴以度

比比其衆寡綴

連也連其夫家也度法也

搏本肇末

搏等也肇正也搏旨究切

勸之以賞賜糾

之以刑罰班序顛毛以為民紀統

顛頂也毛髮也次列頂髮之白黑使長幼

水心葉適曰管仲相齊本末粗脩後世言治功者皆祖述之

有桓公曰為之若何管子對曰昔者聖王之治天下也

參其國而伍其鄙

參三也國郊以內也鄙郊以外也謂三分國都以為三軍五分其鄙以為

五屬也定民之軍成民之事

謂使四民各居其職所也陵為之終

以為堊也

而慎用其六柄焉

六柄生殺貧富貴賤也

桓公曰成民之事若何

管子對曰四民者勿使雜處

四民謂士農工商也

雜處則其言詭

其事易

詭亂貌易變易也○詭末江切

公曰處士農工商若何管子對

曰昔聖王之處士也使就閒燕處工就官府處商就市

井處農就田野今夫士羣萃而州處

萃集也州聚也

閒燕則父

與父言義子與子言孝其事君者言敬其幼者言悌少而習焉其心安焉不見異物而遷焉是故其父兄之教不肅而成其子弟之教不勞而能夫是故士之子恒為

士今夫工羣萃而州處審其四時

言四時各有宜

辨其功苦

功

也苦

權節其用

節其大小輕重也

論比協材

論擇也比比其善惡也協和也和其

也剛柔

旦莫從事施於四方

施其物用於四方也

以飾其子弟相語

以事相示以巧相陳以功少而習焉其心安焉不見異物而遷焉是故其父兄之教不肅而成其子弟之學不

臣乾學曰五伯  
桓公為盛管仲  
亦伯佐稱首其  
胸中確有成謀  
即其初對桓公  
以片時談論即  
定終身功業謂  
之天下才豈虛  
語哉

勞而能夫是故工之子恒為工令夫商羣萃而州處察

其四時

四時所用者  
豫資之也

而監其鄉之資

視其貴  
賤有無

以知其市

之賈負任僮何

背曰負肩曰僮任抱也何  
揭也○僮丁炎切何合可切

服牛輅馬

服牛

車也輅  
馬車也

以周四方以其所有易其所無市賤鬻貴旦莫

從事於此以飭其子弟相語以利相示以賴

賴贏也

相陳

以知賈少而習焉其心安焉不見異物而遷焉是故其

父兄之教不肅而成其子弟之學不勞而能夫是故商

之子恒為商令夫農羣萃而州處察其四時

四時樹藝  
各有宜也



臣莫曰定民居  
成民事已變此  
間族黨之遺與  
先王貴士重農  
抑末之意異矣  
管子主於富強  
為此整齊簡直  
之法是遠傳志  
也術也

權節其用耒耜枷艾

權平也平節其罷用小大倨句之宜也枷拂也所以擊草也艾大鉋

所以艾草也○枷

及寒擊菓除田

寒謂季冬大寒之時也菓枯草也○菓古

老切通

以待時耕

時耕謂立春之後

及耕深耕而疾耰之以待

時雨

耰摩平也

時雨既至挾其耒耜耨耨

耨耨也刈鉋也耨也耨也○

耨七

以旦莫從事於田野脫衣就功首戴茅蒲身衣襜

襜

茅蒲簋笠也襜襜蓑蓐衣也○襜本末切襜始亦切

霑體塗足暴其髮膚盡其

四肢之敏以從事於田野少而習焉其心安焉不見異物而遷焉是故其父兄之教不肅而成其子弟之學不

臣吳曰管子以  
職世之才專東  
海之國整齊其  
民人而參伍其  
都鄙功成治定  
皆不出其立談  
時所陳所謂規  
模先定而後從  
事者也

勞而能夫是故農之子恒為農野處而不暱暱近也其秀

民之能為士者必足賴也有司見而不以告其罪五有司

掌民之官也有司已於事而竣已畢也竣伏退也桓公曰定民之居

若何管子對曰制國以為二十一鄉國國都城郭之域也惟士工商而已

農不在焉桓公曰善管子於是制國以為二十一鄉二千家為一鄉

二十一鄉凡四萬二千家此管子所制非周法也工商之鄉六工商各三也二

士鄉十五此士軍士也十五鄉合三萬人為三軍農野處而不暱不在都邑之數則下所云伍鄙

是公帥五鄉焉五鄉萬人是為中軍公所將也國子帥五鄉焉高子帥

五鄉焉

國子高子皆齊上卿各  
卿五鄉為左右軍也

參國起案以為三官

參

臣士奇曰變周  
官比閭族黨州

也案界也分國  
事以為三也

臣立三宰

三宰三  
卿也

工立三族

族屬也上  
言工商之

卿與伍兩卒旅  
師軍之制而以

鄉六則  
各三也

市立三鄉

市商

澤立三虞

周禮有澤  
虞之官

山立三衡

簡直速得志為  
主周制繁曲所

周禮有山虞  
林衡之官

桓公曰吾欲從事於諸侯其可乎管子對

以為不可敗管  
子簡直所以為

曰未可國未安桓公曰安國若何管子對曰修舊法擇

必勝此王霸之  
分

其善者而業用之

業猶  
創也

遂滋民與無財

遂育也滋長也  
貧無財者振業

也而敬百姓則國安矣桓公曰諾遂修舊法擇其善者

而業用之遂滋民與無財而敬百姓國既安矣桓公曰

仁山金履祥曰  
管子書稱齊使  
鮑叔小白不  
出而管仲勉之  
鮑叔乃出謂管  
仲之期待小白  
已久今取其內  
政諸說以見王

國安矣其可乎管子對曰未可君若正卒伍修甲兵

周禮

五人為伍百人為卒今管子亦以五人為伍而以二百人為卒則大國亦將正卒伍修

甲兵則難以速得志矣君有攻伐之器小國諸侯有守

禦之備則難以速得志矣君若欲速得志於天下諸侯

則事可以隱令可以寄政

軍事從事也隱匿也寄託也隱軍令託於國政若有征伐鄰

國不知也桓公曰為之若何管子對曰作內政而寄軍令焉

內政國政也因治政以寄軍令也桓公曰善管子於是制國五家為軌

軌為之長

軌中一人為之長也

十軌為里里有司四里為連連為

制之變霸業之本

臣杜納曰曾有  
成竹矢口而譚  
見之當時則赫  
赫霸業垂之後  
世則煌煌巨篇  
真濟世才也

之長十連為鄉鄉有良人焉

良人鄉大夫也

以為軍令為軍掌令五

家為軌故五人為伍軌長帥之十軌為里故五十人為

小戎里有司帥之

小戎兵車也此有司之所乘故曰小戎古者戎車一乘步卒七十二人今

齊五十人

四里為連故二百人為卒連長帥之十連為鄉故

二千人為旅鄉良人帥之五鄉一帥故萬人為一軍五

鄉之帥帥之

五鄉每一軍為五鄉也鄉帥鄉也萬人為軍齊制也周則萬二千五百人為軍帥長

也三軍故有中軍之鼓有國子之鼓有高子之鼓春以

狻振旅

狻色牛切

秋以獮治兵

獮蘇典切

是故卒伍整於里軍旅

水心禁通曰齊  
國之大何止三  
萬人為兵田單  
亦言帝王之兵  
不過三萬

整於郊內教既成令勿使遷徙伍之人祭祀同福死喪  
同恤禍災共之人與人相疇家與家相疇疇匹也世同居  
少同遊故夜戰聲相聞足以不乖晝戰目相視足以相  
識其歡欣足以相死居同樂行同和死同哀是故守則  
同固戰則同彊君有此士也三萬人以方行於天下方猶  
橫也以誅無道以屏周室屏猶藩也○屏卑郢切天下大國之君莫  
之能禦也

### 正月之朝鄉長復事

規畫明整治國如  
治家誠伯佐才也

水心葉適曰使  
鄉長舉善刑姦  
進而自修自古  
未嘗不如此何  
必管仲也其說  
草略愚疾若以  
為上下簡直易  
通則鄉大夫賓  
興之法與民何  
嘗拘碍而管仲

正月之朝鄉長復事

鄉長鄉大夫也復白也

君親問焉曰於子之

鄉有居處好學慈孝於父母聰慧質仁發聞於鄉里者  
有則以告有而不以告謂之蔽明其罪五有司已於事  
而竣桓公又問焉曰於子之鄉有孝弟股肱之力秀出  
於衆者有則以告有而不以告謂之蔽賢其罪五有司  
已於事而竣桓公又問焉曰於子之鄉有不慈孝於父  
母不長弟於鄉里驕躁淫暴不用上令者有則以告有  
而不以告謂之下比

比阿黨也

其罪五有司已於事而竣是

輕變之也。以為修廢則非舊典，以為作新則異用，紛更管仲通達治體，固不如也。但其智不足，以盡行王道，故有殘缺苟且之患。而張其說者，方以為新奇陋矣。

故鄉長退而修德，進賢桓公親見之，遂使役官。役為桓也。

公令官長期而書伐。伐，期年也。以告且選選其官之賢

者而復用之。復，白也。曰：有人居我官有功，休德惟慎，端慤

以待時，使民。待時，動也。以勸綏，謗言足以補官之不善

政，桓公召而與之語，訾相其質。訾，量也。相，視也。足以比

成事。比，輔也。誠可立而授之。言可以立為大官而授之事也。設之以國家

之患而不疚，退問其鄉以觀其所能，而無大厲，升以為

上卿之贊。贊，輔也。謂之三選。三選，謂鄉長所進官也。國子高



子退而修鄉鄉退而修連連退而修里里退而修軌軌

退而修伍伍退而修家是故匹夫有善可得而舉也匹

夫有不善可得而誅也政既成鄉不越長鄉里以齒長幼不相踰也

朝不越爵賢不肖之爵不相越也罷士無伍無行曰罷無伍無與為伍也罷女

無家夫稱家也夫是故民皆勉於善與其為善於鄉也不如

為善於里與其為善於里也不如為善於家是故士莫

敢言一朝之便皆有終歲之計莫敢以終歲之議皆有

終身之功桓公曰伍鄙若何管子上言參其國而伍其鄙內政既備故復問伍鄙

臣德宜曰周官鄉舉里選王制移郊移遂始木至公厥後人心不古不無下比上家而是非失實者此桓公之親問親見所以

行修而政舉也

臣叔元曰使民為善於家即親觀長長而天下平也管仲治國多參用古法與於商鞅者以此

臣岳頌曰數親問數親見數與語是磨勵一世大權而復御舉

事管子對曰相地而裒征則民不移相視也裒差也視土地之美惡及所

生出以差征賦之輕重也○裒初追切政不旅舊則民不偷舊君之故舊也

為師旅則民相與不苟且也山澤各致其時則民不苟時謂雲衡之官禁令各順

其時則民之陸阜陵瑾井田疇均則民不憾高平曰陸心不苟得也

大阜曰陵瑾溝上之道也九夫為井井間有溝穀地曰田麻地曰疇○瑾其吝切無奪民事則

百姓富犧牲不畧則牛羊遂畧奪也遂長也桓公曰定民之居

若何管子對曰制鄙三十家為邑邑有司制野鄙之政也此以下與

郊內之十邑為卒卒有卒帥十卒為鄉鄉有鄉帥三鄉政異也

里選之法治猶  
近古惜用意未  
純故終為霸首

為縣縣有縣帥十縣為屬屬有大夫五屬故立五大夫

各使治一屬焉

五屬四十萬家

立五正

正長也

各使聽一屬焉

是故正之政聽屬

正五正也聽大夫之治也

牧政聽縣

牧五屬大夫也聽縣帥之

治下政聽鄉

下政縣帥也聽鄉帥之治

桓公曰各保治爾所無或淫

怠而不聽治者

御選古文淵鑒卷五

欽定四庫全書

集部

御選古文淵鑒卷六

詳校官尚書臣德保

主事銜臣徐以坤覆勘

總校官進士臣朱鈐

校對官編修臣莊通敏

謄錄監生臣卹南林

欽定四庫全書

御選古文淵鑒卷六目錄

周

國語

桓公欲從事於諸侯

文公問于胥臣

叔向見韓宣子

莊王使士亹傳大子蒧

靈王為章華之臺

左史倚相廷見申公子亹

靈王虐白公子張驟諫

鬬且廷見令尹子常

王孫圉聘於晉

吳王夫差起師伐越

吳王夫差告諸大夫

吳王還自伐齊

吳王夫差還自黃池

越王句踐即位三年而欲伐吳





欽定四庫全書

御選古文淵鑒卷六

內閣學士兼禮部侍郎教習庶吉士

臣徐乾學等奉

旨編注

周

國語

桓公欲從事於諸侯

桓公曰吾欲從事於諸侯其可乎管子對曰未可鄰國

鋪叙伯功樂同王道但其親睦諸侯

全是以謀以力王  
伯之所由分也至  
文之簡鍊典重洵  
是史漢紀傳之祖

未吾親也君若欲從事於天下諸侯則親鄰國桓公曰

若何管子對曰審吾疆場而反其侵地

侵地齊所侵取鄰國之地

正

其封疆無受其資

積土為封資資財也

而重為之皮幣以驟聘覲

於諸侯

覲視也○重直龍切覲通弔切

以安四鄰則四鄰之國親我矣

為游士八十人奉之以車馬衣裘多其資幣使周游於

四方以號召天下之賢士皮幣玩好使人鬻之四方以

監其上下之所好擇其淫亂者而先征之桓公問曰夫

軍令則寄諸內政矣齊國寡甲兵為之若何管子對曰

臣熙曰語語霸  
國經濟筆力精  
悍確是先秦以  
上文字

輕過而移之甲兵

謂輕其過使以甲兵贖罪

桓公曰為之若何管子

對曰制重罪贖以犀甲一戟

重罪死刑也犀犀皮也犀甲戟車戟也

輕

罪贖以鞮盾一戟

輕罪剕刑之屬也鞮盾綴革有文如鞮也○鞮求位切盾神允切

小

罪謫以金分

小罪不入於五刑者以金贖有分兩之差○分符問切

宥間罪

宥赦也間

罪刑罰之疑者也○間居諫切

索訟者三禁而不可上下坐成以束矢

索求也求訟者之情也三禁禁之三且使審實其辭也而不可上下者辭定不可移也坐成訟獄之坐已成也

十二矢為束則訟者坐成以束矢

美金以鑄劍戟試諸

狗馬惡金以鑄鉏夷斤鋸

夷平也所以削草平地斤形如鉏而小鋸所也○揚丁錄

切試諸壤土甲兵大足桓公曰吾欲南伐何主

主主人供軍用

也管子對曰以魯為主反其浸地堂潛

堂潛魯二邑也

使海於

有蔽渠弭於有渚

有蔽言可依蔽也渠弭裨海也水中可居者曰渚

環山於有

牢

環繞也牢牛羊豕也

桓公曰吾欲西伐何主管子對曰以衛為

主反其侵地臺原姑與漆里

衛之四邑

使海於有蔽渠弭於

有渚環山於有牢桓公曰吾欲北伐何主管子對曰以

燕為主

燕漁陽薊縣

反其侵地柴夫吠狗

燕之二邑

使海於有蔽

渠弭於有渚環山於有牢四鄰大覲既反侵地正封疆

謀正如鄴侯漢  
中諸葛隆中數  
語古來君臣遇  
合之際大抵如  
此

地南至於鉤陰

鉤陰地名齊南界也○鉤音陶

西至於濟北至於河東

至於紀鄴

紀故紀侯之國鄴紀季之邑以八於齊者○鄴戶圭切

有草車八百乘

齊法五十人為小戎車八百乘有四萬人

擇天下之甚淫亂者而先征之即

位數年東南多有淫亂者萊莒徐夷吳越

萊東萊莒琅邪縣徐夷徐

州之夷也

一戰即服三十一國遂南征伐楚濟汝踰方城望

汶山

汝水名方城楚北之阮塞也汶山楚山也

使貢絲於周而反荊州諸侯

莫不來服遂北伐山戎

山戎鮮卑

剌令支斬孤竹而南歸

二國

山戎之與也剌擊也斬伐也令支縣屬遼西孤竹之城存焉○剌音拂

海濱諸侯莫不來

服與諸侯飾牲為載以約誓於上下庶神

飾牲陳其牲為載書加於

牲上而已不軟血也

與諸侯戮力同心西征攘白翟之地

攘卻也白翟赤

翟之別種

至於西河

西河白翟之西

方舟設汭乘桴濟河

方併也編木曰汭小

汭曰桴汭音浮

至於石抗

石抗晉地名

縣車束馬踰太行與辟耳之

谿拘夏

大行辟耳山名拘夏辟耳之谿也三者皆山險谿谷故縣鈞其車偪來其馬而以度也

西

服汭沙西吳

汭沙西吳鄴州之地○汭古流字

南城周

周襄王庶弟子帶作亂伐襄王

桓公使仲孫湫徵諸侯戌周而城之事在魯僖十三年

反昨於絳

謂天子致祭昨賓以大路龍旂

桓公於絳辭之絳晉國都也

嶽濱諸侯莫不來服

嶽北嶽常山也

而大朝諸

仁山金履祥曰  
按宰孔之命國  
語史記皆有弓  
矢車服九旗之  
賜皇極經世書  
賜命為伯此內  
傳所謂加賜一  
級者與然宰孔

侯於陽穀

陽穀之會在魯僖三年

兵車之屬六乘車之會三

屬亦會也

兵車之會謂魯莊十三年會于北杏十四年會于鄆十

五年復會于鄆魯僖元年會于榘十三年會于鹹十六

年會于淮也乘車之會在僖三年會于陽諸侯甲不解

穀五年會于首止九年會于葵丘凡九也諸侯甲不解

纍○纍所以威甲也兵不解○弱所以蔽兵也強無弓服

無矢○強弓衣服矢服也隱武事行文道帥諸侯而朝天子

葵丘之會天子使宰孔致胙於桓公天子周襄王也曰余

一人之命有事於文武使孔致胙且有後命曰以爾自卑

勞實謂爾伯舅無下拜天子稱五官之伯異姓曰伯舅桓公召管子而謀管

仲定司事全書  
御選古文淵鑒  
四

初命但以賜詐  
為辭蓋以宗廟  
為重也孔子朋  
友之饋雖車馬  
非祭肉不拜古  
人禮意所重如  
此

臣德宜曰聖門  
不言霸功然一  
述九合孔子寄  
亟稱之矣此傳  
鋪張揚厲當日  
定伯雄圖赫赫  
如觀其有匪風  
下泉之思歟

子對曰為君不君為臣不臣亂之本也桓公懼出見客

曰天威不遠顔咫尺小白余敢承天子之命曰爾無下

拜恐隕越於下以為天子羞遂下拜升受命賞服大路

龍旂九旒渠門赤旂

大路諸侯朝服之車謂金路渠門亦旂名赤旂大旂也

諸侯

稱順焉

言下拜順於禮也

桓公憂天下諸侯魯有夫人慶父之

亂

夫人魯莊夫人哀姜也慶父莊公之弟共仲也通二於哀姜莊公薨慶父殺大子般在莊三十二年

君殺死國絕無嗣桓公聞之使高子存之

高子齊卿高侯敬仲也存

之謂立僖公而存魯也

翟人攻邢桓公築夷儀以封之

邢姬姓周公之後也



夷儀邢邑也翟人攻邢在莊三  
十二年封而遷之在魯僖元年  
男女不淫牛馬選具淫見

淫畧也翟人攻衛衛人出廬於曹廬寄也翟人攻衛殺  
懿公遂入衛衛人出

走立公孫申以寄桓公城楚丘以封之楚丘衛地事其  
在魯僖二年

畜散而無育桓公與之繫馬三百繫馬良馬在閑  
非放牧者也天下

諸侯稱仁焉於是天下諸侯知桓公之為已動也是故

諸侯歸之譬若市人桓公知諸侯之歸已也故使輕其

幣而重其禮故天下諸侯罷馬以為幣罷不任  
用也縷纂以

為奉奉藉也所以藉玉之藻也縷纂以縷  
織纂不用絲取易共也纂織文也鹿皮四个個

也諸侯之使垂橐而入

垂言空而來也橐戎也○橐古刀切

捆載而歸捆苦

本切故拘之以利結之以信示之以武故天下小國諸侯

既許桓公

許謂聽其盟約

莫之敢背就其利而信其仁畏其武

桓公知天下諸侯多與已也故又大施忠焉可為動者

為之動可為謀者為之謀軍譚遂而不有也諸侯稱寬焉

臣廷敬曰內政作而國本立然

軍謂以軍滅之也不有以分諸侯也在魯莊十年及十三年

通齊國之魚鹽於東萊

後師以仁義尊周恤鄰而天下

東萊齊東萊夷也

使關市幾而不征

幾幾異服識異言也取魚鹽者不征税

以為

歸心非區區旦夕之效也故論

諸侯利諸侯稱廣焉築葵茲晏負夏領金丘

四者皆阮塞與山戎

霸者以齊桓為首

有聖賢然後有聖學詩曰追琢其章

衆翟接者以禦戎翟之地所以禁暴於諸侯也築五鹿中牟

蓋與牡丘四塞諸夏之國也以衛諸夏之地所以示權於中國

也教大成定三革隱五刃定莫也隱歲也三革甲冑盾也五刃刀劍矛戟矢也朝

服以濟河而無怵惕焉濟河西行度河以平晉也文事勝矣是故大

國慙愧小國附協唯能用管夷吾甯戚隰朋賓胥無鮑

叔牙之屬而伯功立五子皆齊卿大夫隰朋齊莊公之曾孫戴仲之子成子也

文公問於胥臣晉語

文公問于胥臣曰吾欲使陽處父傳讜也而教誨之其

金玉其相皆質與  
學相須之義

水心葉適曰晉  
之興司空季子  
博習陽虔父為  
國人所敬其後

能善之乎

雖文公子  
裏公名

對曰是在謹也蓬篠不可使佻

蓬篠

偃人不可使佻  
達音渠篠音除

戚施不可使仰

戚施僂人  
不可使仰

僂不可

使舉

僂僂長三尺不可使舉重  
○僂在暹切僂吾聊切

侏儒不可使援

侏儒短  
者不可

使抗援  
侏章俱切

矇矇不可使視

有眸子曰矇  
無眸子曰矇

瞽瞍不可使言

口不道忠信之言為瞽瞍不能  
言者○瞽五巾切瘡于金切

聾聵不可使聽

耳不別  
五音之

和曰聾生  
而聾曰聵

僮昏不可使謀質將善而賢良贊之則濟可

矣也若有違質教將不入其何善之為臣聞昔者大任

娠文王不變

不變不  
變動也

少浚于豕牢而得文王不加病焉

伯宗似之

臣鴻緒曰質雖  
上智不可廢學  
故禹湯文武孔  
子之聖未嘗無

少小也淺便也文王在母不憂不變故在傅弗勤處

師弗煩事主不怒敬友二虢仲號叔也而惠慈二蔡

二蔡文王子管刑于大姒刑法也大姒文王妃比于諸弟比親也

宗之詩云刑于寡妻至于兄弟以御于家邦大雅思于

是乎用四方之賢良及其即位也詢于八虞八虞周八

官而咨于二虢度于閼天而謀于南宮皆周賢臣度亦

適諏于蔡原而訪于辛尹蔡公原公重之以周召畢榮

周文公召康億寧百神億安而柔和萬民故詩曰惠于

公畢公榮公也

大定曰事古書  
御選古文淵  
七一

師况儲君乎慎  
簡保傳自是豫  
教之本

宗公神罔時恫

亦思齊篇

是則文王非專教誨之力也公曰

然則教無益乎對曰胡為文益其質故人生而學非學

不入公曰奈夫八疾何對曰官師之所材也

師長也材古裁字

戚施直鑄

直主擊鑄鐘也

蘧蔭蒙璆

蒙戴也璆玉磬也不能悅故使之戴磬○璆巨

牛侏儒扶盧

扶緣也盧矛戟之秘緣之以為戲

矇矇修聲

無目于音聲審故使修之

聾聵司火

耳無聞于視則審故司主火

僮昏嚚瘖僂官師所不材

也以實裔土夫教者因體能質而利之者也

能才也若川

然有原以印浦而後大

印迎也言川有源因開利迎之以浦然後大也○印牛嫁反

大夫憂貧寧獨身  
之災殃將及國故  
治世首禁官邪

### 叔向見韓宣子

叔向見韓宣子宣子憂貧叔向賀之宣子曰吾有卿之

名而無其實無以從二三子

從隨也隨其  
賄贈之屬

吾是以憂子

賀我何故對曰昔藥武子無一卒之田

上大夫一卒之  
田藥書為晉上

卿而反  
不及

其官不備其宗器

宗宗官  
器祭器

宣其德行順其憲則

使越於諸侯

越發  
聞也

諸侯親之戎狄懷之以正晉國行刑

不疚以免於難及桓子驕泰奢侈貪欲無藝畧則行志

畧犯也  
則法也

假貸居賄

居蓄  
也

宜及於難而賴武之德以沒其

水心葉適曰人  
材隨世盛衰晉

暮年盡入強家  
雖叔向之賢猶  
不得盡為公臣  
如董安子閻淺  
叔寬之派固不  
足道也家臣自  
是一種氣象

臣英曰子產有  
言人臣非無賄  
之患而無令名  
之難叔向以貧  
為宣子賀識虧  
盈盛謙之理矣

身及懷子改桓之行而修武之德可以免于難而離桓

之罪以亡於楚

亡奔也

夫卻昭子

昭子卻至也

其富半公室其

家半三軍恃其富寵以泰于國其身尸于朝其宗滅于

絳不然夫八郤五大夫三卿

三卿郤鉞郤至郤犇又有五人為大夫

其寵

大矣一朝而滅莫之哀也唯無德也今吾子有藥武子

之貧吾以為能其德矣是以賀若不憂德之不建而患

貨之不足將弔不暇何賀之有宣子拜稽首焉曰起也

將亡賴子存之非起也敢專承之其自桓叔以下嘉吾



楚莊伯者猶鄭重  
國本甚矣豫教之  
宜備

子之賜

桓叔韓氏之祖曲沃桓叔也桓叔生子萬受韓以為大夫是為韓萬

莊王使士亶傳大子歲

楚語

莊王使士亶傳大子歲

莊王楚成王之孫穆王之子旅也歲恭王名○亶忘傳切歲之

林切辭曰臣不材無能益焉王曰賴子之善善之也對曰

夫善在大子大子欲善善人將至若不欲善善則不用

故堯有丹朱舜有商均啟有五觀

五觀啟子大康昆弟也觀洛泗之地書序

曰大康失國昆弟五人須于洛泗傳曰夏有觀邑湯有大甲文王有管蔡是五

王者皆元德也而有姦子夫豈不欲其善不能故也若

少春穆文熙曰  
據士疊之論則  
人之善惡已定  
不必用教乃舉  
升朱商均諸惡  
以例之此見墮  
廢食之論不可  
為訓

民煩可教訓

也煩亂

蠻夷戎翟其不賓也久矣中國所不

能用也王卒使傅之問于申叔時

叔時楚賢大夫申公也

叔時曰

教之春秋而為之聳善而抑惡焉以戒勸其心

以天時紀人事

謂春秋

教之世而為之昭明德而廢幽昏焉

世先王之世繫也以

休懼其動

休嘉也動行也

教之詩而為之道廣顯德以耀明其

志

道開也

教之禮使知上下之則教之樂以疏其穢而鎮

其浮教之令使訪物官

令先王之官法時令也訪議也物事也使議知百官之事業

教之語使明其德而知先王之務用明德于民也

語治國之

臣熙曰文凡三  
疊只是一意氣  
力深厚不覺其  
繁

善教之故志使知廢興者而戒懼焉

故志謂所記前世成敗之書教

之訓典使知族類行比義焉

訓典五帝之書也族類謂若惇叙九族比義義之與

比也若是而不從動而不悛則文詠物以行之

文詞也詠風也謂

以文詞風托事物以動行之

求賢良以翼之悛而不攝則身勤之攝

也勤勤身以勛勉也

多訓典刑以納之務慎惇篤以固之攝而不

徹

徹通也

則明施舍以道之忠

施已所欲原心舍過謂之忠恕

明久長以

道之信明度量以道之義明等級以道之禮明恭儉以

道之孝明敬戒以道之事明慈愛以道之仁明昭利以

道之文

昭明也明利人及物

明除害以道之武明精意以道之

罰

明盡精意斷之以情

明正德以道之賞

正德謂不私所愛也

明齊肅以耀

之臨如是而不濟不可為也且夫誦詩以輔相之威儀

以先後之體貌以左右之明行以宣翼之制節義以動

行之恭敬以臨監之勤勉以勸之孝順以納之忠信以

發之德音以揚之教備而不從者非人也其可興乎夫

子踐位則退

夫子大子退謙退也

自退則敬不則赧

靈王為章華之臺

數論春容博大如  
聆黃鐘大呂杗然  
清廟之音

靈王為章華之臺

靈王楚恭王之庶子熊虔也章華地名

與伍舉升馬曰

臺美夫

伍舉湫舉也湫邑也

對曰臣聞國君服寵以為美

服寵謂以賢受

寵服是為美也

安民以為樂聽德以為聰致遠以為明不間其

以土木之崇高彫鏤為美

形為丹楹鏤為刻柄○形大冬切

而以金石

匏竹之昌大囂庶為樂

金鐘也石磬也匏笙也竹簫也昌或也囂華也庶衆也

不

聞其以觀大視侈淫色以為明而以察清濁為聰也

清濁

宮羽也

先君莊王為匏居之臺

匏居臺名

高不過望國氛

氣氣稜也

大不過容宴豆

言宴有折俎遵豆之陳

木不妨守備

不妨城郭用守備之材

用

臣延敬曰外傳  
之大類以繫縛  
為勝若此篇之  
條暢宏整已標  
西京之準的矣

不煩官府

財用不  
出府歲

民不廢時務官不易朝常問誰宴焉

則宋公鄭伯問誰相禮則華元駟駢

相相藥也華元宋  
卿華御事之子右

師元也駢鄭穆  
公之子子駟也

問誰贊事則陳侯蔡侯許男頓子其大

夫侍之先君是以除亂克敵而無惡于諸侯今君為此

臺也國民罷焉財用盡焉年穀敗焉百官煩焉舉國留

之

留治也

數年乃成願得諸侯與始升焉諸侯皆距無有

至者而後使大宰啟疆請于魯侯

啟疆楚卿遂子也魯  
侯昭公也事在昭大

年懼之以蜀之役

蜀魯地公子嬰齊即  
侵魯至蜀在魯成二年

而僅得以來

臣馮緒曰通篇  
即從美字說入  
反覆數論名言  
如屑至布局森  
容鍊字華整有  
鳴騶佩玉之象

使富都那豎贊焉

富富于容貌都聞也那美也豎而使  
未冠者也言取美好不尚德也

長鬣之士相焉

○長鬣美須頰也  
鬣力輒切

臣不知其美也夫美也

者上下外內小大遠爾皆無害焉故曰美若于目觀則

美縮於財用則匱

縮取也

是聚民利以自封而瘠民也胡

美之為夫君國者將民之與處民實瘠矣君安得肥且

夫私用弘侈則德義鮮少德義不行則邇者騷離而遠

者距違天子之貴也唯其以公侯為官正而以伯子男

為師旅其有美名也唯其施令德于遠近而小大安之

也若斂民利以成其私欲使民蒿焉忘其安樂而有遠

心其為惡也甚矣安用目觀故先王之為臺榭也

積土曰臺

無室曰榭

榭不過講軍實

講習也軍實戎士也

臺不過望氛祥

凶氣為氛吉氣

為故榭度于大卒之居

大卒王士卒也度謂足以臨見之

臺度於臨觀

之高

足以臨下觀上使榭不蔽目明而已

其所不奪穡地其為不匱財

用其事不煩官業其日不廢時務瘠磽之地于是乎為

之

磽口交切

城守之木于是乎用之

城守之餘然後用之

官寮之暇于

是乎臨之四時之隙于是乎成之故周詩曰經始靈臺



間倚相之言惕然  
而懼子亶可謂能  
受善矣

經之營之庶民攻之不日成之經使勿亟庶民子來王

在靈囿麀鹿攸伏

大雅靈臺篇

夫為臺榭將以教民利也不

知其以匱之也若君謂此臺美而為之正

以為得事之正楚其

殆矣

### 左史倚相廷見申公子亶

左史倚相廷見申公子亶

倚相楚左史也子亶楚申公史老也

子亶不出

左史謗之舉伯以告

舉伯楚大夫

子亶怒而出曰女無亦謂

我老耄而舍我而又謗我左史曰唯子老耄故欲見以

水心葉適曰左史倚相舉衛武

公語當是時未

有生老病死入

士大夫之心不

以聰明寄之佛

老為善者有金

力故多成材宜

哉凡人壯不自

定老而自逸孔

子稱君子有三

戒亦是以末世

人材言之若周

之道俗未衰則

交傲子若子方壯能經營百事倚相將奔走承序

承業

次序於是不給而何暇得見昔衛武公年數九十有五

矣武公衛僖公之子共伯之弟武公和也猶箴傲於國曰自卿以下至于

師長士師長大夫士衆士也苟在朝者無謂我老耄而舍我必恭

恪于朝朝夕以交戒我聞一二之言必誦志而納之以

訓道我在輿有旅賁之規規規誅也旅賁勇力之士掌執戈楯夾車而趨車止則持

輪位宁有官師之典中庭之左右謂之位門屏之倚几

有誦訓之諫誦訓工師所誦之誅書之于几也居寢有執御之箴執也

不然也

臣德宜曰功如齊桓而諸侯叛其晚節賢如趙孟而劉子譏其耄年左史以衡武文儼而子疊懼亦勇於知非者也

音臨事有瞽史之道事戎祀也瞽樂大師掌詔吉凶史大史也掌詔禮事宴居有

師工之誦師樂師工瞽矇也誦謂箴諫也史不失書矇不失誦以訓御

之御進也于是乎作懿戒以自儆也懿詩大雅抑之篇及其沒也

謂之叡聖武公子實不叡聖于倚相何害周書曰文王

至于日中昃不皇暇食惠于小民唯政之恭無逸篇日昃曰昃

文王猶不敢惰今子老楚國而欲自安也以禦數者王

將何為禦止也數者謂歲戒誹謗也若常如此楚其難

哉子疊懼曰老之過也老子疊名也乃驟見左史

靈王虐白公子張驟諫

近臣諫遠臣謗與  
人誦用以自詡三  
代盛王所由隆也  
靈王以規為瑱禍  
及乾谿宜哉

靈王虐白公子張驟諫王患之謂史老曰吾欲已子張

之諫若何

史老子疊

對曰用之實難已之易矣若諫君則曰

余左執鬼中右執殤宮

中身也禮曰其中退然天死曰殤殤宮殤之居也執謂把其錄

藉制服其身知其居處

凡百箴諫吾盡聞之矣寧聞它言白公又

諫王如史老之言對曰昔殷武丁能聳其德至于神明

武丁高宗也聳敬也

以入于河

遷于河內

自河徂亳

從河內往都亳也

三年默以思道卿士患之曰王言以出令也若不言是

水心葉適曰說  
命當與白公子  
張語並看又言  
既得道得道必  
有物故孔子亦  
言朝聞道楚本  
以詐力得國而  
其人材見識所  
造如此非齊晉  
之淺陋所能及  
也

無所稟令也武丁于是作書曰以余正四方余恐德之  
不類茲故不言如是而又使以象夢求四方之賢聖得  
傳說以來升以為公而使朝夕規諫曰若金用女作礪  
若津水用女作舟若大旱用女作霖雨啟乃心沃朕心  
若藥不瞑眩厥疾不瘳若跣不視地厥足用傷商書說  
命篇  
若武丁之神明也其聖之叡廣也其知之不疚也猶自  
謂未乂故三年默以思道既得道猶不敢專致使以象  
旁求聖人既得以為輔又恐其荒失遺忘故使朝夕規

誨箴諫曰必交修余無余棄也今君或者未及武丁而

惡規諫者不亦難乎齊桓晉文皆非嗣也

非嫡嗣也

還軫諸

侯不敢淫逸心類德音以得有國

類善也

近臣諫遠臣謗

與人誦以自誥也是以其人也四封不備一同

備滿也地方百

里曰同而致于有畿田

方千里曰畿

以屬諸侯

屬會也

至于今為

令君桓文皆然君不度憂于二令君而欲自逸也無乃

不可乎周詩有之曰弗躬弗親庶民弗信

詩小雅節南山篇臣

懼民之不信君也故不敢不言不然何急其以言取辜

臣正治曰用之實難已之易矣

二語極其疎切  
未又以規為瑱  
諧而善入

也王病之曰子復語不穀雖不能用吾慙寘之于耳

猶慙

願也寘置也○慙牛刃切寘之鼓切

對曰賴君之用也故言不然已浦

之屏聲兕象其可盡乎其又以規為瑱也

聲聲牛也規諫也瑱所以

塞耳也言四獸之牙角可以為瑱難盡也而又遂趨而

退歸杜門不出七月乃有乾谿之亂靈王死之

鬬且廷見令尹子常

鬬且廷見令尹子常

子常子囊之孫囊瓦也○且子余切

子常與之語問

蓄貨聚馬歸以語其弟曰楚其亡乎不然令尹其不免

積貨蓄怨語警切  
覺動可為富官之  
戒

乎吾見令尹令尹問蓄聚積實如餓豺狼焉殆必亡者

也夫古者聚貨不妨民衣食之利聚馬不害民之財用

國馬足以行軍

國馬民馬也十六井為丘有戎馬一疋牛三頭足以行軍也

公馬足

以稱賦

公馬公之戎馬也稱舉也賦兵賦也

不是過也公貨足以賓獻

賓饗

贈也獻貢也

家貨足以共用不是過也夫貨馬郵則闕于民

郵過也闕缺也

民多闕則有離畔之心將何以封矣

封封國也

昔闕

子文三舍令尹

子文闕伯比之子於菟也舍去也

無一日之積恤民之

故也成王聞子文之朝不及夕也

成王楚文王之子願也

於是乎



臣英曰昔人以貴而能貧為賢諸葛武侯自言有薄田以給衣食不使內有餘帛外有贏財以負陛下正與文子同一卓見

每朝設脯一束糗一筐以羞子文

糗寒粥也羞進也○糗去久切

至于

今令尹秩之

秩常也

成王每出子文之祿必逃王止而後

復人謂子文曰人生求富而子逃之何也對曰夫從政

者以庇民也民多曠者而我取富焉是勤民以自封也

死無日矣我逃死非逃富也故莊王之世滅若敖氏唯

子文之後在至于今處鄖為楚良臣

莊王成王孫也若敖氏子文之族也

魯宣四年莊王滅若敖氏之族子文之孫箴尹克黃使

于齊還而自拘于司敗王思子文之治楚也曰子文無後何以勸善使復其所其

子孫當昭王時為鄖公

是不先恤民而後己之富乎

臣士奇曰闕且  
之言危而中足  
微官邪

今子常先大夫之後也

先大夫子囊也

而相楚君無令名於四

方民之羸餒日日已甚

餒奴罪切

四境盈壘道殣相望盜賊

司目民無所放是之不恤而蓄聚不厭其速怨於民多

矣積貨滋多蓄怨滋厚不亡何待夫民心之愠也若防

大川焉潰而所犯必大矣子常其能賢于成靈乎成不

禮于穆願食熊蹯不獲而死

成王穆王商臣之父也欲黜商臣而立其弟職商

臣圍成王王請食熊蹯而死不聽遂自殺蹯掌也

靈王不顧於民一國棄之如

遺跡焉子常為政而無禮不顧甚于成靈其獨何力以

春秋使臣皆極一時賢士大夫之選故對揚鄰國恒不辱命

待之期年乃有柏舉之戰子常奔鄭昭王奔隨

柏舉楚地

### 王孫圉聘于晉

王孫圉聘于晉定公饗之趙簡子鳴玉以相

定公晉項公之子午

也簡子趙鞅也鳴玉鳴其佩玉以相禮

問於王孫圉曰楚之白珩猶在乎

珩佩上之橫者○珩音行

對曰然簡子曰其為寶也幾何矣曰未嘗

為寶楚之所寶者曰觀射父能作訓辭以行事于諸侯使無以寡君為口實又有左史倚相能道訓典以叙百物以朝夕獻善敗于寡君使寡君無忘先王之業又能

伯厚王應麟曰  
周之大寶鎮河  
圖大訓列禹易  
象在魯三墳五  
典在楚周不能  
有其寶失然而  
老聃之禮義弘  
之樂文獻猶存  
及王子朝以典  
籍奔楚于是觀  
射父倚相皆誦  
古訓以華其國  
以得典藉故也  
區區一鼎與懷  
璧同其能國乎

上下說乎鬼神順道其欲惡使神無有怨痛於楚國又

有數曰雲連徒洲金木竹箭之所生也

楚有雲夢藪澤也連屬也水中

之可居曰洲徒其名也

鼃珠齒角皮革羽毛所以備賦用以戒不

虞者也

鼃所以備吉凶珠所以禦火突角所以為弓弩齒象齒所以為弮皮虎豹皮所以為茵韃革犀

兕也所以為甲胃羽鳥羽也所以為旌毛旄牛尾所以注竿首

所以共幣帛以賓享于

諸侯者也若諸侯之好幣具而導之以訓辭有不虞之

備而皇神相之

能媚神故皇神相皇大也

寡君其可以免罪於諸侯

而國民保焉此楚國之寶也若夫白珩先王之玩也何

臣執學曰書稱  
不貴異物所寶  
惟賢晉臣言山  
澤林藎國之寶  
蓋亦古訓也特  
論絕有根據直  
與展禽國僑爭  
坐矣

越君臣之陰謀全  
在廣侈吳王之心  
一語麋鹿遊姑蘇  
者以此

寶焉國聞國之寶六而已聖能制議百物以輔相國家

則寶之玉足以庇蔭嘉穀使無水旱之災則寶之

玉祭  
祀之

也玉龜足以憲臧不則寶之珠足以禦火災則寶之金足

以禦兵亂則寶之山林藎澤足以備財用則寶之若夫

譁囂之美

譁囂猶譁謂  
若鳴玉以相

楚雖蠻夷不能寶也

吳王夫差起師伐越

吳語

吳王夫差起師伐越越王勾踐起師逆之江

夫差泰伯  
後閭廬子

姬姓也句踐祝融後允常  
子耳姓也○句居侯切

大夫種乃獻謀曰夫吳之與

越唯天所授王其無庸戰夫申胥華登簡服吳國之士

於甲兵而未嘗有所挫也

申胥楚大夫伍奢子子胥也名員魯昭二十年奢誅于楚

負奔吳吳與之申地故曰申胥華登宋司馬華費遂之子華氏作亂敗登奔吳

夫一人善射百

夫決拾

決鈎弦也拾捍也

勝未可成夫謀必素見成事焉而後

履之不可以授命

授命猶闕命也

王不如設戎約辭行成以喜

其民

戎兵也約卑也成平也言設兵自守卑約其辭以求平于吳

以廣侈吳王之心

吾以卜之于天天若棄吳必許吾成而不吾足也將必

寬然有伯諸侯之心焉既罷弊其民而天奪之食安受

臣冀曰種之獻謀已足治吳行成之言甘而易入越之勝只在一忍似得之老子也

臣叔元曰大夫  
種之謀能玩吳  
於腹掌之上者  
知夫差有侈心  
而可以辭誘也  
不然雖有百種  
其何能為

其燼乃無有命矣

吳無復有天命矣

越王許諾乃命諸稽郢行

成於吳曰寡君勾踐使下臣郢不敢顯然布幣行禮敢

私告于下執事曰昔者越國見禍得罪于天王

見禍于天得罪

謂傷闔廬也言天王尊之以名

天王親趨玉趾以心孤勾踐

孤棄也而又

宥赦之君王之於越也繫起死人而肉白骨也

繫是孤也

不敢忘天災其敢忘君王之大賜乎今勾踐申禍無良

草鄙之人敢忘天王之大德而思邊垂之小怨以重得

罪于下執事勾踐用帥二三之老親委重罪頓顙於邊

今君王不察盛怒屬兵將殘伐越國越國固貢獻之邑也君王不以鞭箠使之而屬軍士使寇令焉句踐請盟

一不嫡女執箕箒以眩姓於王宮

一不一人眩備也姓庶姓也曲禮曰納女

天子曰構百姓○不古拜切一作介眩音該

一不嫡男奉槃匱以隨諸侯

槃承

盥罷也晉語曰奉匱沃盥御近臣宜豎之屬○槃音盤匱匱戈支切

春秋貢獻不解於王

府天王豈辱裁之

豈能辱意裁制之

亦征諸侯之禮也

征稅也亦天子

征稅諸侯之禮

夫諺曰狐埋之而狐搯之是以無成功

埋藏也搯發也

骨切 捐苦

今天王既封殖越國以明聞於天下而又刈亡



申胥事前之言洞  
若觀火吳越之興  
亡決矣固不待臆  
夷授江時也

臣足敬曰凡種  
蠡之密謀子胥

之是天王之無成勞也雖四方之諸侯則何實以事吳  
敢使下臣盡辭唯天王秉利度義焉

### 吳王夫差告諸大夫

吳王夫差乃告諸大夫曰孤將有大志于齊

欲伐齊也

吾將

許越成而無拂吾慮若越既改吾又何求若其不改反

行吾振旅焉

伐齊反振旅而討之

申胥諫曰不可許也夫越非實

中心好吳也又非懼畏吾甲兵之彊也大夫種勇而善

謀將還玩吳國於股掌之上以得其志夫固知君王之

已灼見其隱矣  
雖料事針鋒相  
對可畏哉其功  
之成與不成則  
用舍之異也

少春楊文熙曰  
申胥論越之禍  
歷歷如在掌中  
讀之令千古動  
色何夫差之貪  
功玩禍拒而不  
聽以至於滅亡  
也愚哉

蓋威以好勝也

尚也猶也

故婉約其辭以從逸王志使淫樂

於諸夏之國以自傷也使吾甲兵鈍弊民人離落而日

以憔悴然後安受吾燼夫越王好信以愛民四方歸之

年穀時孰日長炎炎及吾猶可以戰也為虺弗摧為蛇

將若何

虺小蛇大也  
虺許鬼切

吳王曰大夫奚隆于越越曾足以

為大虞乎若無越則吾何以春秋耀吾軍士乃許之成

將盟越王又使諸稽郢辭曰以盟為有益乎前盟口血

未乾足以結信矣以盟為無益乎君王舍甲兵之威以

吳之申胥楚之范  
增老謀不用屈志  
而死千古同慨

臨使之而胡重於鬼神而自輕也吳王乃許之荒成不

盟

荒空也

### 吳王還自伐齊

吳王還自伐齊

吳敗齊艾陵  
魯哀十一年

乃訊申胥

訊告  
謀也

曰昔吾先

王體德聖明達於上帝

先王闔  
廬也

譬如農夫作耦以刈殺

四方之蓬蒿

二耦為耦言  
子胥佐先王

以立名于荆是則大夫之力

也今大夫老而又不自安恬逸而處以忿惡

處居也居  
則忿為惡

于吳出則罪吾衆

罪吾衆謂吳民  
矣體有所傾之屬

撓亂百度以妖孽

臣杜訥曰忠懇之心激為議論至今讀之猶見當時情事

吳國今天降衷於吳

衷善也

齊師受服孤豈敢自多先王

之鐘鼓實式靈之敢告于大夫申胥釋劍而對曰昔吾

先王世有輔弼之臣以能遂疑計惡

遂決也計慮也

以不陷于

大難今王播棄黎老

黎凍犂壽徵也

而孩童焉比謀曰余令而

不違夫不違乃違也夫不違亡之階也夫天之所棄必

驟近其小喜而遠其大憂王若不得志於齊而以覺悟

王心吳國猶世吾先君之得之也必有以取之

得謂克楚也傳

曰闔廬食不二味勤恤其民取之謂此也

其亡之也必有以棄之

亡之謂不止其師以

西山真德秀曰  
申胥之言可謂  
忠矣夫差既不  
之聽又從而戮  
之不二十年吳  
國遂墟古稱殺  
諫臣者必亡其  
國豈不信哉

陰謀猛鷙君臣夫  
婦致死一心積之

班處宮復為  
楚所敗也

用能援持盈以歿而驟救傾以時今王無

以取之

言無政德

而天祿亟至是吳命之短也負不忍稱疾

辟易以見王之親為越之禽也員請先死

辟易狂疾○辟撤必切易

以鼓切

將死曰而縣吾目于東門以見越之入吳國之亡

也遂自殺王愠曰孤不使大夫得有見也乃使取申胥  
之尸盛以鸛夷而投之于江

吳王夫差還自黃池

吳王夫差還自黃池

會黃池魯哀十三年

息民不戒越大夫種乃

二十年吳安得不亡記者歸美之於下羣臣集衆謀有以也夫

倡謀曰吾謂吳王將遂涉吾地今罷師而不戒以忘我

我不可以怠也日臣嘗卜於天今吳民既罷而大荒荐

饑市無赤米

赤米米之惡者

而困鹿空虛

員曰困方曰鹿○困渠隕切鹿通作麓

其民必移就蒲贏于東海之濱

蒲溲蒲也贏蚌蛤之屬贏羸落戈切亦作螺

天占既兆人事又見我蔑卜筮矣王若今起師以會奪

之利無使失悛夫吳之邊鄙遠者罷而未至吳王將耻

不戰必不須至之會也

不待遠兵

而以中國之師與我戰若

事幸而從我我遂踐其地其至者亦將不能之會也已

言吳邊鄙雖米將不能會戰

吾用禦兒臨之

禦兒越北鄙在今嘉興言吳邊兵若至吾以禦

兒之民臨敵之

吳王若愠而又戰幸遂可出

使出奔

若不戰而結

成王安厚取名而去之越王曰善哉乃大戒師將伐吳

楚申包胥使于越

申包胥楚大夫王孫包胥也

越王句踐問焉曰吳

國為不道求殘我社稷宗廟以為平原弗使血食吾欲

與之徼天之衷唯是車馬兵甲卒伍既具無以行之

猶行

也請問戰奚以而可包胥辭曰不知王固問焉乃對曰

夫吳良國也能博取于諸侯

取貢賦也

敢問君王之所以與

臣正治曰申包胥非直存楚并能復楚之仇真人傑也歷叙勾踐事嘗膽深心千秋如見

之戰者王曰在孤之側者觴酒豆肉簞食未嘗敢不分也飲食不致味聽樂不盡聲求以報吳願以此戰包胥曰善則善矣未可以戰也王曰越國之中疾者吾問之死者吾葬之老其老慈其幼長其孤問其病求以報吳願以此戰包胥曰善則善矣未可以戰也王曰越國之中吾寬民以子之忠惠以善之吾修令寬刑施民所欲去民所惡稱其善掩其惡求以報吳願以此戰包胥曰善則善矣未可以戰也王曰越國之中富者吾安之貧



者吾子之救其不足裁其有餘使貧富皆利之求以報  
吳願以此戰包胥曰善則善矣未可以戰也王曰越國  
南則楚西則晉北則齊春秋皮幣玉帛子女以賓服焉  
未嘗敢絕求以報吳願以此戰包胥曰善哉蔑以加焉  
然猶未可以戰也夫戰知為始仁次之勇次之不知則  
不知民之極極中也無以銓度天下之衆寡銓稱也不仁則  
不能與三軍共饑勞之殃不勇則不能斷疑以發大計  
越王曰諾越王句踐乃召五大夫

五大夫舌庸苦成大夫桂范蠡卑如之屬

少春穆文熙曰  
五臣之言雖不  
同不過賞罰條  
禦旗鼓進退而  
已特其語意精  
微人莫之知唯  
習於兵機者可  
與談也

曰吳為不道求殘吾社稷宗廟以為平原不使血食吾  
欲與之徼天之衷唯是車馬甲兵卒伍既具無以行之  
吾問于王孫包胥既命孤矣敢訪諸大夫問戰奚以而  
可句踐願諸大夫言之皆以情告無阿孤孤將以舉大  
事大夫舌庸乃進對曰審賞則可以戰乎王曰聖審賞  
失勞聖大夫苦成進對曰審罰則可以戰乎王曰猛能  
通也大夫種進對曰審物則可以戰乎王曰辨物旌旗  
則嚴大夫蠡進對曰審備則可以戰乎王曰巧備守禦  
屬辨大夫蠡進對曰審備則可以戰乎王曰巧之備巧  
別也

臣足敬曰此傳  
叙越國君臣謀  
議與誓令之辭  
戰伐之狀一一  
如繪真千古絕  
調後來惟龍門  
可以髣髴餘史  
莫能繼武矣

審密不可  
攻入也  
大夫臯如進對曰審聲則可以戰乎王曰可

矣  
聲謂鐘鼓進退之節  
聲不審則衆惑也  
王乃命有司大令于國曰苟仕

戎者皆造于國門之外王乃令于國曰國人欲告者來

告  
告者謂有善計策及  
職事所當陳白者  
告孤不審將為戮不利過及五

日必審之  
使孰思  
計之也  
過五日道將不行  
道術也過五日則  
晚矣軍當出也故

術將  
不行  
王乃入命夫人王背屏而立夫人向屏  
屏寢門  
內屏也  
王

曰自今日以後內政無出外政無人內有辱是子也外

有辱是我也我見子于此止矣王遂出夫人送王不出

臣鴻緒曰越能  
順用民心而不  
盡其力二十年  
生聚教訓以來  
既疲之吳吳安  
得不亡篇中叙  
次紀律精嚴令  
人讀之氣壯史  
遷項籍等傳從  
此得來

屏乃闔左闔填之以土去筭側席而坐不埽王背檐而

立大夫向檐

檐與  
簷同

王命大夫曰食土不均地之不修內

有辱於國是子也軍士不死外有辱是我也自今日以

後內政無出外政無入

內國政外  
軍政也

吾見子于此止矣王

遂出大夫送王不出檐乃闔左闔填之以土側席而坐

不埽王乃之壇列鼓而行之至于軍斬有罪者以徇曰

莫如此以環瑱通相問也

環金玉之環瑱塞耳問  
遠也通行賂以亂軍

明日

徙舍斬有罪者以徇曰莫如此不從其伍之令明日徙

臣英曰越之報  
吳全以氣勝之  
其大要在於恤  
民以自強彼瑕  
者不攻而自摧  
矣

舍斬有罪者以徇曰莫如此不用王命明日徙舍至于  
禦兒斬有罪者以徇曰莫如此淫逸不可禁也王乃命  
有司大徇于軍曰有父母者老而無昆弟者以告王親  
命之曰我有大事子有父母者老而子為我死子之父  
母將轉于溝壑子為我禮已重矣子歸沒而父母之世  
後若有事吾與子圖之明日徇于軍曰有兄弟四五人  
皆在此者以告王親命之曰我有大事子有昆弟四五  
人皆在此事若不捷則是盡也擇子之所欲歸者一人

臣乾學曰懸測  
事機及於數歲  
之後言簡而意  
盡

明日徇于軍曰有眩瞽之疾者告王親命之曰我有大  
事子有眩瞽之疾其歸若已後若有事吾與子圖之明  
日徇于軍曰筋力不足以勝甲兵志行不足以聽命者  
歸莫告明日遷軍接蘇上下皆斬有罪者以徇曰莫如  
此志行不果於是人有致死之心王乃命有司大徇于  
軍曰謂二三子歸而不歸處而不處處止進而不進退而  
不退左而不左右而不右身斬妻子鬻于是吳王起師  
軍于江北江松江去越王軍于江南越王乃中分其師

吳五十里

臣美曰越之舉  
師多謀多懼矣  
雖有雲荼之衆  
夫豈能敵

以為左右軍

傳曰越子伐吳吳子禦之笠其私卒君澤夾水而陣在魯哀十七年

以其私卒君

子六千人以為中軍

私卒君子王所親近有志行者猶吳所謂賢良齊所謂士也明

日將舟戰于江及昏乃令左軍銜枚泝江五里以須

須

後命也

亦令右軍銜枚踰江五里以須夜中乃令左軍右

軍涉江鳴鼓中水以須

夜中夜半也中水水中央

吳師聞之大駭曰

越人分為二師將以夾攻吾師乃不待旦亦中分其師

將以禦越越王乃令其中軍銜枚潛涉不鼓不譟以襲

攻之吳師大北越之左軍右軍乃遂涉而從之又大敗

臣士奇曰越之  
治吳其機密其  
情詭其痛深篇  
中寓米沉着生  
動

臣叔元曰越生  
聚教訓能用民  
之心而不盡其  
力所以制勝若

之于没

名没地

又郊敗之三戰三北

三戰笠澤也  
沒也郊也

乃至

吳越師遂入吳國圍王宮

王宮姑蘇

吳王懼使人行成曰昔

不穀先委制于越君

不言越委制于  
吳謙而反之也

君告孤請成男女

服從孤無奈越之先君何

言越先君  
與吳修好

畏天之不祥不敢

絕祀許君成以至于今今孤不道得罪于君王君王以

親辱于孤之敝邑孤敢請成男女服為臣御越王曰昔

天以越賜吳而吳不受今天以吳賜越孤敢不聽天之

命而聽君之令乎乃不許成因使人告于吳王曰天以



嘗膽卧薪左闔  
填土皆積怨發  
憤者之為不足  
道也

吳賜越孤不敢不受以民生之長王其無死民生于

地上寓也其與幾何

言幾何時

寡人其達王于甬句東

達致也甬

句東句章東海口外洲也

夫婦三百唯王所安以沒王年夫差辭曰

天既降禍于吳國不在前後當孤之身實失宗廟社稷

凡吳土地人民越既有之矣孤何以視于天下夫差將

死使人說於子胥曰

說告也

使死者無知則已矣若其有

知吾何面目以見員也遂自殺越滅吳

在魯哀二十二年冬十一月

上征上國

上國中

宋鄭魯衛陳蔡執王之君皆入朝

玉珪

壁夫唯能下其羣臣以集其謀故也

言下其羣臣以明吳不用子胥之禍

越王句踐即位三年而欲伐吳

越語

越王句踐即位三年

魯哀元年

而欲伐吳范蠡進諫曰夫國

家之事有持盈有定傾有節事王曰為三者奈何范蠡

對曰持盈者與天

法天也

定傾者與人

取人之心也

節事者與

地

節事修政也與地法地也

王不問蠡不敢言天道盈而不溢盛而

不驕勞而不矜其功夫聖人隨時以行是謂守時天時

不作弗為人客人事不起弗為之始今君王未盈而溢

敬怠之分治忽所由開也無時不敬則可以久安長治句踐不能敬之於始既危而後懼隱忍圖功僅乃獲濟亦幸矣哉

未盛而驕不勞而矜其功天時不作而先為人客人事  
不起而創為之始此逆於天而不和於人王若行之將  
妨於國家靡王躬身

靡損也

王弗聽范蠡進諫曰夫勇者

逆德也兵者凶器也爭者事之末也陰謀逆德好用凶器  
始於人者人之所卒也

始以伐人  
終害之

淫逸之事上帝之禁

也先行此者不利王曰無是貳言也吾已斷之矣果興  
師而伐吳戰於五湖不勝棲於會稽王召范蠡而問焉  
曰吾不用子之言以至於此為之奈何范蠡對曰君王

其志之乎持盈者與天定傾者與人節事者與地王曰  
與人奈何范蠡對曰卑辭尊禮玩好女樂尊之以王如  
此不已又身與之市王曰諾乃令大夫種行成於吳曰  
請士女於士大夫女於大夫隨之以國家之重器  
吳人不許大夫種來而復往曰請委管籥屬國家以身  
隨之君王制之吳人許諾王曰蠡為我守於國范蠡對  
曰四封之內百姓之事蠡不如種也四封之外敵國之  
制立斷之事種亦不如蠡也王曰諾令大夫種守於國

此齊陳傅良曰  
范蠡之諫可謂

切直而勾踐不  
從乃有會稽之  
敗厥後竟成伯  
業者所謂人恒  
過而能改者也

與范蠡入宦於吳三年而吳人遣之歸反至於國王問  
於范蠡曰節事奈何范蠡對曰節事者與地唯地能包  
萬物以為一其事不失生萬物容畜禽獸然後受其名  
而兼其利美惡皆成以養生時不至不可彊生事不究  
不可彊成自若以處以度天下待其來者而正之因時  
之所宜而定之同男女之功農穡絲枲之功除民之害以避天  
殃田野闢闢府倉實民衆殷無曠其衆以為亂梯時將  
有反事將有間必有以知天地之恒制乃可以有天下

之成利事無間時無反則撫民保教以須之王曰不穀

之國家蠡之國家也蠡其圖之范蠡對曰四封之內百

姓之事時節三樂

三時之樂使  
之勸事樂業

不亂民功不及天時五

穀粒孰

粒和也

民乃蕃滋君臣上下交得其志蠡不如種

也四封之外敵國之制立斷之事因陰陽之恒順天地

之常柔而不屈強而不剛德虐之行因以為常死生因

天地之刑天因人聖人因天人自生之天地形之聖人

因而成之是故戰勝不報取地而不反兵勝於外福生

臣熙曰勾踐君  
臣殷憂動忍之  
意讀之令人神  
悚若夫分任種  
蠡生聚教訓則  
幾於古恭儉之  
主能無勝乎

於內用力甚少而名聲章明種亦不如蠡也王曰諾令

大夫種為之四年

反國四年  
魯哀九年

王召范蠡而問焉曰先人

就世不穀即位五年既少未有恒常出則禽荒入則酒

荒吾百姓之不圖惟舟與車

好游也

上天降禍于越委制

於吳吳人之那不穀亦有甚焉吾欲與子謀之其可乎

范蠡對曰未可也蠡聞之上帝不考時反是守彊索者

不祥得時不成反受其殃失德滅名汙走死亡有奪有

予有不予王無蚤圖夫吳君王之吳也王若蚤圖之其

事又將未可知也王曰諾又一年王召范蠡而問曰吾與子謀吳子曰未可也今吳王淫於樂而忘其百姓亂民功逆天時信讒喜優憎輔遠弼聖人不出忠臣解骨皆曲相御莫適相非上下相偷其可乎范蠡對曰人事至矣天應未也王姑待之王曰諾又一年王召范蠡而問焉曰吾與子謀吳子曰未可也今申胥驟誅其王王怒而殺之其可乎

子胥數誅王不聽知吳必亡使子齊屬其子于鮑氏王聞之賜之屬錢以

死范蠡對曰逆節萌生天地未形而先為之征其事是



臣乾學曰少伯之謀雖合天道亦主於自全而已使黃池之後不舉亦豈能遂入吳之國都乎要之天道即在人事中子所以罕言命也

以不成雜受其刑王姑待之王曰諾又一年王召范蠡而問焉曰吾與子謀吳子曰未可也今其稻蟹不遺種其可乎范蠡對曰天應至矣人事未盡也王姑待之王怒曰道固然乎妄其欺不穀耶吾與子言人事子應吾以天時今天時至矣子應吾以人事何也范蠡對曰王姑勿怪夫人人事必將與天地相參然後乃可以成功今其禍新民恐其君臣上下皆知其資財之不足以支長久也彼將同其力致其死猶尚殆王其且馳騁弋獵無

至禽荒宮中之樂無至酒荒肆與大夫觴飲無忘國常

彼其上將薄其德民將盡其力又使之望而不得食乃

可以致天地之殛王姑待之至於玄月

九月為玄魯哀十六年之九月

王召范蠡而問焉曰謗有之曰餽飯不及壺飧

餽飯謂大也

盛今歲晚矣子將奈何范蠡對曰微君王之言臣固將

謁之臣聞從時者猶救火追亡人也蹶而趨之唯恐弗

及王曰諾遂興師伐吳至於五湖吳人聞之出挑戰一

日五反王弗忍欲許之范蠡進諫曰謀之廊廟失之中

臣士奇曰持盈  
之天節事之地  
定傾之人三者  
要之相資為用  
也少伯之言合  
乎道術而未免  
闢入兵謀亦迫  
於時之窮耳

原其可乎王姑勿許臣聞之得時無怠時不再來天與  
不取反為之災嬴縮轉化後將悔之天節固然唯謀不  
遷王曰諾弗許范蠡曰臣聞古之善用兵者嬴縮以為  
常四時以為紀無過天極究數而止天道皇皇日月以  
為常明者以為法微者則是行微謂虧損薄食陽至而陰陰至  
而陽日困而還月盈而匡困窮也匡虧也古之善用兵者因天  
地之常與之俱行後則用陰先則用陽近則用柔遠則  
用剛後無陰蔽先無陽察後動者泰舒靜為陰蔽先動者泰顯露為陽察用人

無藝往從其所

藝豫設也

剛強以禦陽節不盡不死其野彼

來從我固守勿與

勿與戰

若將與之必因天地之災又觀

其民之饑飽勞逸以參之盡其陽節盈我陰節而奪之

宜為人客剛強而力疾陽節不盡輕而不可取

於是宜為人客

雖輕易人猶不可得取

宜為人主安徐而重固陰節不盡柔而不

可迫

於時宜為人主凡陳之道設右以為牝益左以為

牡

陳有牝牡使相受在陰為牝在陽為牡

蚤晏無失必順天道周旋無究

今其來也剛強而力疾王姑待之王曰諾弗與戰居軍

臣杜均曰少伯  
智沉勇深其為  
越策毫髮無遺  
憾矣著論與博  
精嚴可作子書  
一則

三年吳師自潰吳王帥其賢良與其重祿

賢良謂大夫  
重祿謂寶貨

帥以上姑蘇使王孫雄行成於越曰昔者上天降禍

音率

於吳得罪於會稽今君王其圖不穀請復會稽之和王  
弗忍欲許之范蠡進諫曰臣聞之聖人之功時為之庸

得時弗成天有還形天節不遠五年復反

節期也五歲  
再閏天數一

終小凶則近大凶則遠先人有言曰伐柯者其則不遠

今君王不斷其忘會稽之事乎王曰諾不許使者往而  
復來辭愈卑禮愈尊王又欲許之范蠡諫曰孰使我蚤

朝晏罷者非吳乎與我爭三江五湖之利者非吳耶夫  
十年謀之一朝而棄之其可乎王姑勿許其事將易翼  
已王曰吾欲勿許而難對其使者子其對之范蠡乃左  
提鼓右援枹以應使者曰昔者上天降禍於越委制於  
吳而吳不受今將反此義以報此禍吾王敢無聽天之  
命而聽君王之命乎王孫雄曰子范子先人有言曰無  
助天為虐助天為虐者不祥今吾稻蟹不遺種子將助  
天為虐不忌其不祥乎范蠡曰王孫子昔吾先君固周

室之不成子也

周禮子爵國二百里

故濱於東海之陂龜鼉魚鼈

之與處而鼃鼃之與同階

水邊曰階

余雖覲然而人面哉吾

猶禽獸也又安知是譏譏者乎

譏諷也辨之言

王孫雄曰子范

子將助天為虐助天為虐不祥雄請反辭於王范蠡曰

君王已委制于執事之人矣子往矣無使執事之人得

罪於子使者辭反范蠡不報於王擊鼓興師以隨使者

至於姑蘇之宮不傷越民遂滅吳反至五湖范蠡辭于

王曰君王勉之臣不復入於越國矣王曰不穀疑子之

所謂者何也范蠡對曰臣聞之為人臣者君憂臣勞  
辱臣死昔者君王辱于會稽臣所以不死者為此事也  
今事已濟矣蠡請從會稽之罰王曰所不掩子之惡揚  
子之美者無終沒于越國子聽吾言與子分國不聽吾  
言身死妻子為戮范蠡對曰臣聞命矣君行制臣行意  
遂乘輕舟以浮于五湖莫知其所終極王命工以良金  
寫范蠡之狀而朝禮之決日而令大夫朝之

決帀也自  
甲至癸為

帀環會稽三百里者以為范蠡地曰後世子孫有敢侵



范蠡之地者使無終沒於越國皇天后土四鄉地主正

之

按國語二十二卷與傳相表裏發明而非以釋經也故謂之外傳其文深閎傑異傳吳越事尤奇峻而宋

衛秦之紀缺如故識者疑焉觀其詞間多繁蕪蔓衍亦畧類諸子之書今擇其精者若干篇以輔內傳而存之然而春秋之文止此矣一變而為戰國鯁橫險譎而三代之制作邈不可復見矣此文章正變之會所宜深思也

御選古文淵鑒卷六